

DISSERTATIO MEDICA
INAUGURALIS

DE

CALCULO BILIARI,

QUAM,

ANNUENTE SUMMO NUMINE,

Ex Auctoritate RECTORIS MAGNIFICI

HERMANNI SCHOLTEN,

S. S. THEOLOGIAE DOCTORIS, HUIUSQUE FACULTATIS
IN ACAD. LUGD. BATAV. PROFESSORIS ORDINARII,

NEC NON

Amplissimi SENATUS ACADEMICI *Consensu,*

et Nobilissimae FACULTATIS MEDICAE *Decreto,*

PRO GRADU DOCTORATUS,

Summisque in MEDICINA Honoribus, ac Privilegiis
rite ac legitime consequendis,

Publico ac' solemni Eruditorum examini submittit

LEONARDUS HENRICUS DE THOMÉZE,

HAGABATAVUS.

Ad diem XXI. Januarii MDCCCLXXIII. H. L. Q. S.



LEIDA,

PETRUM VAN DER EYK,

ET

DANIELEM VYGH.

Apud

1773.

Per quae vivimus et sani sumus, per ea etiam aegro-
tamus.

HIPPOCRATES.

V I R I S

*MUNERIS GRAVITATE, ERUDITIONIS
SPLENDORE CLARISSIMIS, INGENIO
AC SCIENTIA CELEBERRIMIS, AR-
TE EXPERIENTISSIMIS,*

D. ADRIANO VAN ROYEN,

MED. DOCT. EJUSDEMQUE FACULTATIS, UT ET COLLE-
GII PRACTICI PROFESSORI ORDINARIO, COLLEGII PHAR-
MACEUTICI LEYDENSIS PRAESIDI, SOCIETATIS REGIAE
LONDINENSIS SOCIO, PROMOTORI SUO EXOPTATISSIMO,
HONORATISSIMO.

D. HIERON. DAV. GAUBIO,

MED. DOCT. MEDICINAE, CHEMIAE ET COLLEGII ME-
DICO PRACTICI PROFESSORI ORDINARIO, ACAD. IMPER.
PETROPOLIT. SOCIETATISQUE SCIENT. HOLLAND. ET ZE-
LAND. SOCIO, PHYS. EXPERIM. ROTEROD. MEMBRO
CONCILIARIO, SERENISSIMI PRINCIPIS ARAUS. ET NAS-
SAV. ARCHIATRO.

D.

D. GUALTH. VAN DOEVEREN,

MED. DOCT. EJUSDEMQUE FACULTATIS IN ACAD. LUGD.
BAT. PROFESSORI ORDINARIO, COLLEG. CHIR. LEI-
DENS. PRAESIDI, ACAD. CAES. NAT. CURIOS. ET SOC.
SCIENT. HOLLAND SOCIO, PHYS. EXPERIM. ROTEROD.
MEMBRO CONCILIARIO.

D. P E T R O C A M P E R,

A.L.M. PHIL. ET MED. DOCT. MED. ANAT. AC CHIRURG.
IN ILL. ATHENAEO AMSTELAEDAM. PROF. HONORARIO,
MED. THEOR. ANAT. PHYS. CHIR. ET BOT. IN ACAD.
GRONINGO OMLANDICA PROFESSORI ORDINARIO, REG.
SOCIET. SCIENT. LOND. ET EDINB. SOCIO, ACAD. REG.
CHIR. PARIS. MEMBRO, SOCIETATIS HARLEM. AC VLIS-
SINGENS. SOCIO, ATQUE ROTERODAMENSIS MEMBRO
CONCILIARIO, ACAD. PICT. AMSTEL. MEMBRO HONO-
RARIO, ACAD. REG. SCIENT. PARIS. AD COMMERCIIUM
EPISTOLARUM ADSCRIPTO.

PRAECEPTORIBUS ET STUDIORUM SUORUM FUNDATORIBUS
EXOPTATISSIMIS, EGREGIE DE SE MERITIS HASCE STU-
DIORUM SUORUM PRIMITIAS

I N

PUBLICUM GRATISSIMI ANIMI MONUMENTUM,

Sacrum esse, jubet

A U C T O R.

DISSERTATIO MEDICA
INAUGURALIS
DE
CALCULO BILIARI.

CAPUT PRIMUM,

Generaliora quaedam calculos, eorumque diversitates spectantia, continens.

§. I.

Bilem, humorem singulari mixtione ac natura caeteris C. A. humoribus valde disparem, ut et inter omnes succos inquilinos acerrimam, utilissimam, imo necessariam esse ad promovendam digestionem, sanitatemque conservandam, defectus, ejusque a statu naturali deviationes manifesto demonstrant. Nonnulli fuisse Auctores, qui bilem pro humore excrementitio salutarunt, omnemque ei negarunt utilitatem, cui opinioni contrariari videtur, quod Natura tantum viscus, ac est Hepar, solum in usum secretionis hujus humoris adhibet: etiam contrarium probat insertio ductus Choledochi in Intestinum Duodenum; si autem Natura voluisset tantum de sanguine expurgare, aequae facile in vicinum Intestinum Colon inplantare potuisset ductum communem, ne Chylus ab admisto illo humore inquinaretur, neque cum eo iterum in sanguinem deduceretur: alii etiam notarunt causam morborum constituere, quibus nequaquam assentiendum, quamdiu bilis est sana, tunc enim potius morbos avertit, et naturalem ac polychrestam N. C. Medicinam sistit, uti adnotat *III. HOFFMANNUS* (a); verum cum multifariis vitiis obnoxia sit bilis, etiam varios potest producere morbos; quandoque tamen bilis degenerat.

(a) Med. Rat. Syst. T. 4. p. 4. et 189.

2 DISSERTATIO MEDICA

nerationes potius sunt morbi sequelae quam ejus causae; vix enim datur morbus alicujus momenti, in quo bilis naturaliter est constituta.

§. I I.

Bilis a statu naturali deviationes et vitia esse quam plurima, docet quotidiana praxis: quoties enim videmus ab animi pathematibus, ut et aliis causis, bilem mutatam, ita ut uno momento ingentem contrahat acrimoniam, quae excitat Vomitiones, Diarrhaeas, Choleram, Febres, etc.

§. I I I.

Inter omnes vero istas bilis a statu naturali degenerationes non infimum locum tenet dispositio illa praeternaturalis, qua fit, ut vel penitus solidescat, vel excutiat particulas, quae coadunatae concrementum formant, qui morbus vocatur Cholelithus, seu Calculus Biliaris, qui ob suam frequentiam, quae tantam esse MORGAGNUS (*b*) notat, ut, si omnes, qui ab Anatomicis inveniuntur, asservarentur, pro usu Medico sufficere possent, pravaeque effectus non minorem, quam Calculus vesicae urinariae, in praxi meretur attentionem. Hancce materiem pro specimine hujus Dissertationis elegi, in qua pertractanda eum servabo ordinem, ut, praemissis quibusdam observationibus, calculos eorumque differentias spectantibus, agam de eorum genesi, cui subjungam signa, effectus, et curationem.

§. I V.

Dicitur Cholelithus concrefcentia in C. A. in Vesicula fellea, Hepate, eorumque ductibus, haerens. Veteres nullam de hisce calculis mentionem fecerunt, quod unice adscribendum videtur, quia sectionem cadaverum rarius quam deinceps instituerint. Primi fuere GENTILIS, et NICOLUS, qui testati sunt, se in vesicula fellea ejusque ductu calculos invenisse (*c*); a quo tempore varii Viri Illustres, ut BENEVI-
NUS,

(*b*) Adv. Anat. 3. Animadv. 28.

(*c*) DONATUS de Med. hist. mir. L. 4. C. 30.

NUS, VESALIUS, FALLOPPIUS, FERNELIUS, et plures alii, suas observationes de his calculis communicarunt, ita ut hodie innumera essent exempla, quae de die in diem augentur, ex quibus eorum frequentia apparet; sunt tamen in una regione prae alia longe frequentiores, quod testatur Ill. HALLERUS (*d*); notat enim Gottingae longe frequentiores esse calculis vesicae urinariae, quod et affirmat pluribus observationibus, quas ipse ex cadaveribus sectis collegit.

§. V.

Differentiam horum calculorum multifariam esse, quam maxime liquet, si inspiciamus observata, quae docent variare figura, colore, consistentia, loco, etc.; a quibus varietatibus multi divisionem desumerunt, sic HALLERUS dividit in grandes et minores; BIANCHI in flavos et nigros; sed omnium optime arridet mihi divisio secundum locum, quem occupant, in calculos vesicae felleae ejusque ductus, et in Hepaticos, qui haerent vel in ipsa Hepatis substantia, vel ejus poris, verum hi minus frequenter in hominibus, quam in animalibus, occurrunt.

Primum agam de calculis in vesica ejusque ductu obviis, qui vel libere in ea haerent, vel inter ejus membranas reperiuntur, vel nonnunquam singularem formant saccum, in quo continentur; quale pulcherrimum exemplum legitur apud Cl. DE HAEN in Ratione Medendi (*e*); inveniebatur nimirum in cadavere vesica fellea in 7 loculos membranofos divisa, quorum quisque magnum gereret lapidem.

Ut ergo horum calculorum varietates appareant, adducam aliquot specimina, et quidem ratione figurae, coloris, consistentiae, magnitudinis, numeri, etc.

§. V I.

Figura in his calculis obvia adeo differt, ut HOFFMANNUS (*f*) testetur, vix ullam in rerum natura reperiri figuram, quae non in calculis

(*d*) Opusc. pathol. obs. 38.

(*e*) T. 1. p. 4. C. 2. §. 4.

(*f*) Ib. p. 2. sect. 1. C. 3. §. 2.

4 D I S S E R T A T I O M E D I C A

culis biliariis conspicitur: nonnulli sunt rotundi, ovales, vel accedunt ad figuram minime angulosam, ut referant vel nucem, vel oleam quandam, vel ovum, tuncque saepissime solus, grandisque invenitur calculus: ovales et rotundi saepius obvii sunt notante Cl. BIANCHI (g): nucem oleamve referentes describit SCHURIGIUS (h), ubi agit de calculo, magnetudinis et figurae nucis moschatae, ut et de alio amygdalam referente: HALLERUS (i) mentionem facit de calculo moriformi: nonnunquam formam vesiculae felleae habent, talem describit STORCKIUS (k). Inveniuntur quandoque calculi ovalem, vel rotundam figuram, unumque tantum calculum solidum, prae se ferentes, qui revera ex variis certae figurae calculis, leviter inter se cohaerentibus, compositi sunt: tales describit Cl. BONETUS in Sepulchreto Anat. (l): describitur etiam in Ephem. N. C. (m) calculus permagnus ex 130 minoribus constans; et in Actis Phys. Med. (n) magnus, pendens uncias duas, in 60 minores pentagonos diffiliens: loquitur et Cl. COE, in tractatu de Calculis biliariis (o), de concretionem pyriformi, ex plus quam 100 parvis lapillis irregularis figurae composita.

Major vero in figura angulosa occurrit discrepantia; de triangularibus BORELLUS (p) agit; aderant nimirum 10 calculi, formam triangularem referentes; etiam VESALIUS (q); et HELWIGIUS (r) describit 67 calculos, forma partim triangulari, partim quinquangulari; et 27, quorum quatuor figuram triangularem habebant. Quadrangularis vel cuboidea figura, teste Ill. MORGAGNO (s), frequentissime occurrit; tales invenit HORSTIUS (t), HALLERUS (u), et SCHURIGIUS (w) invenit in Vesicula calculos 3, quorum duo majores sibi invicem ut ovum ovo erant similes, magnitudine et figura tessellarum, quibus in alveo aleatorio luditur, anguli vero erant obtusi; tertius dimidiam tantum partem, et quidem per transversum, adaequabat: memini me in Collegio Cl. CAMPERI, Praeceptoris quondam mei

(g) Hist. Hepatica T. 1. p. 3. p. 475.	(h) Lithologia p. 132.
(i) Ib. Hist. 5.	(k) Ann. Med. 1. p. 129.
(l) L. 3. f. 17. obs. 14.	(m) Dec. 2. Ann. 9. p. 466;
(n) Vol. 5. obs. 129.	(o) p. 120.
(p) Cent. 3. obs. 22.	(q) Epist. ad Roël
(r) Obs. 81. p. 251.	(s) Adv. Ann. 3. animadv. 28.
(t) Manud. ad Med. p. 1. c. 1.	(u) l. c.
(w) l. c. p. 143.	

mei omni honore aestimationeque semper prosequendi, vidisse Vesiculam felleam calculis cuboideis repletam.

Pentagonos seu 5 latera habentes observavit BARTHOLINUS (x), quo et referri meretur locus HELWIGII antea citatus (y). Inveni etiam sunt calculi, qui octo latera habebant; imo testatur Cl. COE (z) inveniri, qui duodecim latera habent; ita ut in his magna detur differentia; verum inveniuntur in hac forma angulosa tales, qui figuram quandam exprimunt, v. g. Cuneiformes, quale pulcherrimum exstat exemplum in Philos. Transactionibus (a), aderant nimirum 30 calculi cuneiformes, vesiculam opplentes, quorum superficies exterior, quae respiciebat tunicas, convexa erat: de Prismaticis calculis legitur in Actis Edinburg. (b); et de calculis octo, officula Carpi quodammodo referentes, reperitur observatio apud Cl. REVERHORSTIUM (c).

§. V I I.

Differunt secundo colore, de quo idem ac de figura testatur ibidem Ill. HOFFMANNUS: plerumque tamen sunt vel flavescentes vel nigricantes: quandoque et alium monstrant colorem v. g. coeruleum, rubrum, uti habet BARTHOLINUS (d); colorem lapidis Haematitidis SCHENCKIUS (e); et lapidi Bezoardico haud abfimilem REVERHORSTIUS (f); coloris aurei argenteive PLATERUS (g); ex cinereo albidos invenit REVERHORSTIUS (h), HALLERUS (i), etiam ex albo luteos idem (k): inventi etiam sunt virides, ex flavo virides, et ex flavo fusci. Nonnunquam quid splendidi habent, sic BACHLIVIVS (l) invenit calculos duos nigros, et scintillas veluti emittentes, quasi essent congeries salis nigri crystallisati: Cl. COE (m) producit ex HOFFMANNO calculos adeo politos, ut Jaspidis loco annulis comprehenderentur: Margaritam quodammodo referentes habet

HALLERUS

- (x) Hist. Anat. Rar. l. c. Hist. 54. (y) Liit. r. (z) Ib. p. 102.
 (a) Vol. 3. p. 82. (b) Med. Eff. Vol. 2. (c) Diss. de Motu bilis §. 55.
 (d) Cent. 3. Ep. Med. 86. (e) Obs. Med. p. 422. (f) l. c. (g) Op. Pathol. obs. 33.
 (h) l. c. §. 57. (i) Ib. Hist. 1 et 6. (k) Hist. 13.
 (l) Op. omn. p. 433. (m) Ib. p. 112.

HALLERUS (*n*); talem et possidet Amicus meus Doct. TEN HAAFF: sunt et saepe transparentes ut Crystallum, uti SCULTETUS notat (*); tales et invenerunt PETERMANNUS (*o*), MORANDUS (*p*), et LUDWIG (*q*). Habent etiam saepe extus alium colorem quam intus; hique plerumque sunt lamellati, sic Ill. SWIETENIUS (*r*) allegat calculos extus albidos, intus vero flavos, quales saepe inveniuntur: HALLERUS (*s*) invenit, qui extus erant nigri, intus vero flavi; et MORGAGNUS (*t*), qui extus ex viridi subflavi, intus vero nigri erant: quandoque fit, ut hae laminae, diversimode coloratae, se alternatim excipiant, quod observavit idem Vir (*u*), diffractis calculis, vidit primum stratum esse ex albo flavum, secundum erat viride, tertium iterum ex albo flavum, quartum viride; tale etiam exemplum legitur apud Ludwig (*v*); erat sc. primum tertiumque stratum cinereo fuscum, secundum vero et quartum subluteum: aliquando quoque nucleus vel cortex est crystallinus, quod idem auctor observationibus monstrat.

§. VIII.

Consistentia in aliis mollis est, in aliis dura, compacta, etiam friabilis, saepe ex lamellis sibi invicem appositis, ut videmus in radicibus bulbosis, conformati sunt, nonnulli unam tantum massam solidam monstrant, inter quos inveniuntur, in quibus ex uno puncto striae, quasi radii, ad circumferentiam decurrentes, observantur.

§. IX.

Magnitudinis tanta est diversitas, ut a capitis aciculae magnitudine ad eam juglandis, imo majores inveniantur; vulgaris tamen magnitudo est a nucis moschatae ad pisi magnitudinem, notante Cl. COE (*w*); et certe observationes praebent exempla magnitudinis granorum piperris

(*n*) l. c. Hist. 7. (*) Arm. Chir. obs. 61. (o) Diff. de Scrutin. Icter. (p) Mem. de l'Acad. Royal de Sciences ann. 1741. (q) Adv. Med. pract. Vol. 3. p. 1. (r) Comm. ad §. 935. (s) l. c. Hist. 2. (t) Epist. Anat. I. Art. 43. (u) Adv. An. 3. Anim. 28. (v) l. c. p. 162. (w) p. 113.

ris et minores, etiam ut pisi, fabae, nucis avellanae, moschatae, castaneae, Juglandis, ovi columbini, et ut ovum Gallinaceum describitur Journ. Sav. (x): Vesiculam non modo opplens, verum et distendens, SCULTEUS (y); de calculo, ovum Gallo pavonis aequante, mentionem facit Cl. COE (z); et Cl. MEKEL (a) refert de calculo, $5\frac{1}{2}$ Uncias longo, pondere $3xiv$.

§. X.

Numerum horum calculorum aliquando ingentem esse observationes docent; inventi enim sunt ab 1 ad 20, 50, 100, 200, 300, 1000, 2000, qualis observatio exstat in Comm. Liter. Nor. (b); decem horum habebant magnitudinem et figuram castaneae minoris, 20, et quod excurrit, pisi, reliqui vero ciceris, et feminis napi, figura tamen erat angulosa: notat etiam Ill. HOFFMANNUS, in cadavere quodam inventam fuisse vesiculam felleam, valde amplam et longam, oppletam 3646 granis bilis coagulatae, partim pisi, partim globuli forma.

§. X I.

Superficies eorum est vel laevis, vel aspera, undique quandoque miculis crystallinis obsessa, tales describuntur a Cl. REVERHORSTIO, COE, et HALLERO, locis citatis: priores duo auctores eos Icone repraesentarunt.

§. X I I.

Observatur etiam differentia in iis calculis ratione habitus ad aquam et ignem: plurimi autem aquae injecti supernatant, alii fundum statim petunt, verum et hic obtinet varietas, prout sunt vel recentes, vel diu asservati et exsiccati, quod adnotavit Cl. WEYBRECHTUS (c); immisit calculos recentes in aquam, qui statim fundum petebant,

(x) Ann. 1697. N. 30. (y) l. c. (z) p. 114. (a) T. X. p. 95.
(b) Ann. 1735. hebd 52. (c) Ibid. Ann. 1734. hebd 9.

cum vero per aliquot tempus asservasset, idemque repeteret experimentum, invenit, non ut ante fundum petere, sed aquae innatare; idem etiam adnotavit Cl. BOUCHER (*d*); ut et LUDWIG (*e*): plerique tamen, si per aliquot tempus aquae innatarunt, vel si in frustula franguntur, fundum petunt.

§. XIII.

Inflammabilitas, his calculis prae aliis propria, iis diversis inest gradibus: plures autem, flammæ admoti, eam facile capiunt, et ad finem usque sustinent; alii vero minus inflammabiles flammam quidem capiunt, sed non diu retinent ab ea remoti; dantur et alii, qui, flammæ admoti, intumescunt, veluti gummi, atque levem tantum inflammabilitatis gradum monstrant; sed extra flammam, cui admoti fuerant, eam non alunt; quae varietas unice adscribenda materiae inflammabili, in uno prae alio, majori copia existenti; notat Cl. MECKEL (*f*) posse ab ipsorum colore, aeque ac pondere, conjecturam ad illorum inflammabilitatem effici; additque levissimos, et coloris picci, esse omnium maxime inflammabiles, hos excipere albos superficie politos, quo magis vero ad nigredinem vergunt, et quo plus ponderis habent, eo minus phlogisti in se continere.

§. XIV.

Calculi autem, qui in Hepate ejusque ductibus inveniuntur, minus frequentes esse, quam priores, etiam rariores in hominibus, quam in animalibus, antea innuimus; existant tamen variae observationes, quae docent occurrere in hominibus, numerus vero parvus est, si comparatur cum numero eorum, qui in cystide inventi sunt: ratio etiam in promptu est; nam facilius per has vias eliminantur, antequam talem magnitudinem acceperunt, qua eorum excussio difficilis redditur: calculi

(*d*) Vide v. d. Monde Recueil periodique T. 5. p. 346. (*e*) Ib. p. 166.
(*f*) Mem. de l'Acad. Royal de Scienc. et Belles Lettr. Ann. 1756.

culi hi in Hepate obvii dividi possunt in solidos compactos, et in fistulosos: de solidis primum agam.

§. X V.

In his non minor datur differentia, quam vidimus in iis vesicae obtinere; nam et variant figura, colore, magnitudine etc., quod ex sequentibus adductis observationibus patebit.

RONDELETIUS (*g*) vidit lapides ab abscessu Hepatis redditos, ossibus similes, colore fusco. BENEVINUS (*h*) dicit in jecinoris membranae parte decliviori lapillos, figura et colore diversos, inventos fuisse, alii erant rotundi, alii angulares, alii quadrati, maculis rubeis, coeruleis, albisque distincti.

PEUCERUS (*i*) narrat de lapide grandi e jecinore exciso, pallore livido: et de tribus lapidibus, in Hepate juvenis repertis, quorum unus magnitudinem dimidiati ovi columbini adaequabat, totus angulosus, colore livido, et omnes modice solidi.

De calculo, in cadaveris Augustini Ducis Hepate invento, magnitudinis grandioris olivae, colorisque serpentini in nigredinem vergentis, agit CARDANUS (*k*): lapides atros, qui aquae injecti intumescere, in Hepate inventos fuisse refert SCALIGER (*l*): ut et durissimum, coloris carnei diluti, in remigis Hepate: SCHENCKIUS (*m*) invenit in Hepate arenulas copiosas, calculos, et tophos: ibidemque agit de 25 calculis, in Hepate deprehensis, quorum minimus aequabat fabam; pondus omnium erat unc. ij et 3 iij, forma saxum cornutum rufum referebant, duritiae vero smiridem. Lapidem ovi columbini magnitudine profert HEER (*n*); praeterea de calculis, in Hepate inventis, egerunt HOLLERIUS, FALLOPPIUS, COLUMBUS, FORESTUS, et alii.

§. XVI.

(*g*) Meth. Cur. Morb. C. 44.

Fig. Med. p. 210.

108. N. 3.

(*k*) De rerum

(*m*) Obs. p. 113.

(*h*) De abdltis C. 3.

Varietate L. 8. C. 44.

(*n*) Obs. I. p. 81.

(*i*) De prae-

(*l*) Exercit.

§. XVI.

Calculi fistulosi, ob figuram ita dicti [nam intus sunt cavi] in bo-
bus frequentissimi, in hominibus vero raro obvii sunt; exstant tamen
quaedam observationes, quae evincunt, in hominibus aliquando nasci:
sic PLATERUS (n) loquitur de calculis Hepaticis, tophum coralloi-
dem ramosum, intrinsecus cavum, repraesentantibus. Ante omnia
memorabilis est REVERHORSTII (o) observatio, ubi dicit: *inspecto*
cadavere, Hepatis pars concava, variis locis duritie notabili renitens,
postmodum facta separatione non tumores scirrosos, uti primo suspicaba-
mur, sed poros biliarios, mirum in modum ampliatos, et hinc illinc cru-
sta calculosa obseffos, exhibuit; addiditque auctor ad calcem hujus Dis-
sertationis pulcherrimam horum pororum delineationem. T. 2. Fig. 2.

§. XVII.

Haec mihi satis evincere videntur, innumeras esse horum calculo-
rum differentias: videamus nunc, an inter calculos Cysticos et solidos
Hepatis detur discrepantia; ex qua cognitione certe in praxi magna
proflueret utilitas, nam tunc statim internoscere posset Medicus, u-
trum in Hepate, an vero in vesicula latitarent, si per anum excerne-
rentur.

§. XVIII.

Dicit Cl. BIANCHI (p) in eo differre Hepaticos a Cysticis, quod
ii prae his majori gaudeant inflammabilitatis gradu, quod et ex eorum
colore, quem semper esse flavescentem pronunciat, (antea autem di-
xerat, flavescentes prae caeteris gaudere majori inflammabilitate) con-
cludit: animadvertit secundo idem auctor calculos Hepaticos figura
et mole differre a Cysticis, iis figuram oblongam, his vero rotundam
plerumque et conglobatam adscribit; et de magnitudine addit minores
esse Hepaticos quam Cysticos: sed hae differentiae minime pro signis
diag-

(n) Synt. Anat. C. 4.

(o) Ib. §. 52.

(p) Pag. 479.

diagnosticis mihi haberi posse videntur; nam quod ad primum, scil. majorem inflammabilitatem, adtinet notandum, plurimos cysticos aequè inflammabiles esse ac hepaticos; notat HALLERUS (q) omnes cysticos, qui ei occurrerunt, licet albi, cretacei, imo pellucidi essent, flammam concepisse: verum dantur, qui minime inflammabiles sunt, quod Ill. MORGAGNUS (r) adnotat de nigris et paucis aliis, ut et alii: quod etiam locum habet in calculis Hepaticis asserente eodè Viro Ill. (s): inquit enim, *cum plures calculos ex ductus Hepatici ramis vel in aquam projicerentur, vel flammae admoventur, alii quidem, quae plerique solent biliosi calculi, praestiterunt, alii vero, etsi flavi, in aquam projecti, non aequè, ac solent, supernatarunt, neque flammam servaverunt, neque in guttulas liquati sunt*: et quod ad colorem adtinet, ex prioribus adductis speciminibus facile apparet, varium esse in variis calculis Hepaticis, aequè ac in Cysticis.

Secundum vero signum, quod a figura et mole petit iste auctor, quoque non pro certo differentiae signo haberi posse ex iisdem observationibus manifesto patet; nam in Hepate, aequè ac in Vesicula fellea, calculi variae figurae, ut rotundae, ovalis, angulosae, et magnitudinis, ut pisi, olivae, ovi columbini etc., inventi sunt: accedit etiam, quod ipse Auctor calculis cysticis eam figuram ovalem, quae dicit Hepaticos gaudere, adscribat (t).

§. XIX.

Ex quibus manifesto liquet, haec signa, a Cl. BIANCHI proposita, minime valere ad demonstrandum, dari inter utrosque differentiam, neque huc usque, quantum novi, ullum certum datur signum. Ill. HOFFMANNUS (u) experimenta quidem cum calculis felleis humanis instituit, verum non notat, utrum Hepatici, an vero cystici fuerint: agit tamen §. seq. de experimentis cum calculis Hepaticis bovinis factis, quae perfecte conveniunt cum iis, quae Doct. TEN

HAAFF

(q) Hist. 10. in not. m. (r) Adv. 3. Anim. 28. (s) Ep. An. I. Art. 43.
(t) Pag. 474. (u) Ib. T. 4. p. 2. f. 2. C. 3. §. 6.

HAAFF (v) cum calculis fistulosis bovinis instituit, unde concludi posset, tales et adhibuisse HOFFMANNUM: sed haec satis figura sua monstrant ex ductibus Hepaticis provenire, si per anum expellerentur.

§. XX.

Verum datur et alia calculorum species, quae in intestinis haeret, saepeque per anum expellitur; haec nequaquam pro calculis biliariis habenda est, nam valde ab illis discrepat; vocantur calculi stercorei, ipsisque in intestinis generantur. Notae, quibus hi calculi a felleis dignoscuntur, sunt 1) aquae injecti fundum petunt; 2) flammae admoti minime eam capiunt; 3) plerumque pro nucleo habent vel nucleum pruni, vel cerasi, aut officulum quoddam, vel nonnunquam calculum biliarium: talem calculum stercorem 2. pollicum, cujus nucleus erat acinus fructus, se vidisse nobiscum in collegio communicavit Cl. CAMPERUS; de talibus calculis etiam mentio fit in Act. Chir. Par. (w), ubi duae species recensentur, quarum una componitur ex faecibus induratis, crusta, veluti materia saponacea, obductis, quaeque merito stercoralis dicitur; ejus generis specimen producit M. MARECHAL (x): altera vero species habet nucleum et laminae ex eadem materia formatas, qualis describitur ibidem a M. MOREAU, qui addit signa, quibus a biliariis dignoscuntur, quae petit ex colore et volumine. Haec mihi videntur sufficere ad intelligendas varietates, quae intercedunt inter calculos biliarios ipsos, et alios calculos ab iis diversos, ita ut nunc ad ipsam horum calculorum genesin progredi possim.

§. XXI.

Antequam vero ad eorum genesin transeam, non incongruum esse putavi, quid de partibus, bilem constituentibus, examine Chemico indagatis, breviter praemittere; quod eo magis necessarium videtur, quo-

(v) Dissert. de bile Cystica p. 66. (w) Mem. de l'Acad. roy. de Chir. T. 3. Hist. p. 14. 15. (x) Ib. Mem. p. 55 & seqq.

quoniam hi calculi iis in locis, ubi bilis secernitur, vel continetur, concreſcunt: unde certe ſuſpicio naſcitur, illos ex partibus, humorem illum componentibus, conſlari, quod etiam chemicis experimentis, cum iis inſtitutis, comprobatur.

In his principiis examinandis ſequar Bilis examen chemicum, quod in ſua Diſſertatione Inaugurali, propter ſummam exactitudinem, ubique in experimentis obſervatam, valde laudabili, egregius vir juvenis, in chemia et fundamentis medicis verſatiſſimus, amicus meus G. G. TEN HAAFF propoſuit: quibus ſubjungam, quae chemica tractatione in his calculis deteguntur: primo videbimus, quid deſtillatione variis ignis gradibus exhibuit bilis, dein quid ab acidis aliisque corporibus fluidis affuſis apparuit.

§. X X I I.

I. Leni calori expoſita bilis, accepit multam aquam, leviter labe alcalina et Sp. rectore bilis imbutam; in retorta ſupererat ſpiſſamentum, quod, aucto ignis gradu, dedit primo guttas aliquot aquae excolores, dein flaveſcentes; ſequebantur vapores albi totum excipulum replentes, ſimulque guttae oleosae fuſcae prodibant, et lateribus excipuli ſal volatile forma ſicca apparebat; aucto iterum ignis gradu, accepit quid olei ſpiſſioris, ſpiritu gravioris; nihil dein prodeunte, ſolvit apparatus, inque retortae fundo invenit maſſam fragilem, nigerrimam, ſaporis acris, quae, in pulverem trita, et calcinata, ab affuſa aqua pro parte ſolvebatur, quae ſolutio colata, et evaporationi expoſita, dedit cryſtallos, omni dote alcali fixum foſſile referentes: evaporatione protracta, apparuit in ſuperficie pellicula ſalina, quam examinatam verum ſal commune eſſe, invenit: pars, aqua indiſſolubilis, colore leviter rubello, particulas a magnete attractiles continebat: ab affuſo acido vitriolico ejus quid ſolvebatur, cumque eo ſal quoddam tomentofum conſtituebat; indicio ineſſe terram calcaream.

II. Bilem evaporationi expoſuit, tuncque diſcuſſa aquae copia, in ſuperficie apparuere pelliculae, quae, aqua abluta, et exſiccata, potius terream, quam oleoſam naturam monſtrabant; protracta evaporatione adſiccitatem uſque, invenit in fundo vaſis maſſam fragilem, quae tota aqua ſolubilis erat, exceptis paucis flocculis, qui ſubſidebant.

§. XXIII.

III. Examinauit bilem ope acidorum, tam fossilium, quam vegetabilium: ab affusis acidis fossilibus nata est bilis coagulatio, tunc bilis, quieti commissa, abiit in praecipitatum, quod in fundo vasis haerebat, et in liquorem supernatantem.

Praecipitatum hoc bene exsiccatum, consistentia fragili vitrea, examinatum praebuit praeter materiem pinguedinosam quid mucilaginei viscosi.

Liquor supernatans evaporatus secessit in materiem spissam pinguedinosam, quae balsamus, vel resina vocatur, cui supernatabat liquor leviter coloratus; qui iterum evaporationi expositus, praeter quid materiae balsamicae dedit diversos sales, pro diverso acido adhibito, se cum variis basibus, in bile existentibus, conjungente, v. g. cum acido vitriolico tractata exhibuit

1. Salem tomentosum, cum sale selenitico vel alumine calcareo respondentem; conjunxit se hic acidum vitr. cum terra calcarea: hic sal non apparuit, ubi cum acido salis mista fuit bilis, sed excussus est sal quidam singularis, figurae rhomboideae, naturae acido-terreae, quem vocat Alumen biliarium, putatque in bile nativum existere: ab affuso acido nitri non tam manifeste apparuit ille sal rhomboideus, vidit tamen quid salis excussum, quod ob minimam copiam examinare non potuit; addit tamen Cl. CADET afferere, se similem sale ab acido nitri, ac acido salis, excussum vidisse, et vocat ille auctor saccharum bilis.

2. Accepit sale mirab. Glauberi ab affuso acido vitriolico; sale communem ab acido salis; et ab acido nitri, nitrum cubicum; coierunt nimirum haec acida cum alcali fixo fossili, quod basin omnium horum salium constituit.

3. Licet cum vitrioli vel nitri acido tractaretur bilis, accepit tamen quid salis communis; ergo et hic nativus in bile adesse videtur.

Materies balsamica exsiccata, fragilis uti resina, omnibus experimentis docuit esse naturae pinguedinosae, intermixto tamen sale. Acida vero vegetabilia, minorem in bilem exferentes potentiam, magis in materiem viscidam agere videntur, non adeo in pinguedinosam, nam nullo modo

do hic balsami separatio facta fuit. Praecipitatum, minori copia hic acquisitum, ac ab aliis acidis, erat etiam fragilior, sed non intus illum nitorem vitreum monstrabat: hoc omnibus experimentis docuit, maximam ejus copiam esse naturae viscidae, nec materies balsamica tanta copia cum eo conjuncta erat, ac in priori praecipitato. Liquor supernatans evaporatus dedit 1) Crystallos Tartari, cujus acidum hic adhibitum erat: 2) Salem seignette, qui componitur ex acido tartari et alcali fixo fossili: 3) Salem communem.

Bilis ulterius examinata cum salibus alcalinis vegetabilibus, alcohole etc., varia apparuere phaenomena, verum omnia confirmarunt, bilem componi ex plurima aqua, materia viscida, balsamica seu resinosa, diversisque salium speciebus, varia proportionem inter se mixtis, in singulis fere hominibus differente.

Haec sunt, quae chemia in bile detexit: videamus nunc, quid calculorum horum examen praebuit.

§. X X I V.

Destillati calculi per varios ignis gradus dederunt primo quid phlegmatis, dein oleum limpidum flavum, tum rubrum, tandem nigrum empyreumaticum, et juxta H A L E S I U M (y) ingentem aëris elastici quantitatem 648^{ies} propria mole majorem, remanente carbone atro splendente (z): dederunt ergo calculi destillati easdem materias ac bilis. Videamus porro, quid acida aliaque corpora fluida in eos efficiant; in his etiam sequar experimenta a Doct. ten H A A F F (a) instituta, ut et ab aliis auctoribus prolata adjungam.

§. X X V.

Cum aqua aliquamdiu digesta non adeo quid solutum est, quod et affirmat Ill. H O F F M A N N U S (b): si vero accedit trituration, opaca redditur aqua, et levem colorem flavescentem, saporemque leniter adstringentem contrahit: aliquando tamen ejus naturae sunt, ut aqua pro
par-

(y) Veget. Static. p. 190.

(z) Vid. Haller. Elem. Phyl. T. 6. p. 576.

(a) Diss. Cit. p. 68.

(b) l. c. §. 6.

parte, vel pro toto solvantur, et nil nisi bilem inspissatam referant; tales observavit HOFFMANNUS (c), et BEVERWYCKIUS (d), ut et plures alii.

Affusum Alcohol digestionem colorem, et saporem amariusculem inde extraxit, tinctura autem non valde saturata erat, nec ab affusa aqua turbabatur; refrigerato alcohole, quid crystallini splendidi, coloris nitidi excussum est; quod examinatum pingue, quasi talcosum quid, esse apparuit: pulvisculus remanens videbatur pristina gaudere natura: notat et Ill. HOFFMANNUS (e), a sp. vini rectificato tales non solvi, qui sunt solidiores, colorisque saturioris. In Commercio Lit. Norimb. (f), existat experimentum, ope sp. vini rect. cum calculo felleo candido, et splendente, ab auctore anonymo prolatum, ubi singulare certe phaenomenon apparuit: en verba; *solvi calculum tritum in sp. vini rectificatissimo, et post aliquam digestionem in arena, e fundo vasis ad superficiem ascenderunt particulae infinitae numero, seu lamellulae tenuissimae, triangulares, quadrangulares, latitudine sua saepe vix decimam, vel quintam lineae partem aequantes, coruscantes, et jucundo spectaculo colores iridis reflectentes; post moram aliquam, totam superficiem obtegentes, cuticulam formarunt; qua sublata, successerunt particulae aliae, in cuticulam similem con crescentes*: An hic calculus ex sale illo singulari, alumine sc. biliario, aliisque particulis crystallinis, inter se materia quadam, a sp. vini solubili, conglutinis, compositus fuit? An vero lamellulae istae fuerint talcosum illud, quod refrigeratione vidimus excussisse alcohol? proprio militare videtur, quod jam sub ipsa digestionem prodierint: quicquid sit, nihil veri pro uno, vel altero militantis hic proferre licet, optandum fuisset, quod auctor ille ulterius in materiam illam crystallinam disquisivisset, ut ejus naturam indagaret. Cum sp. Nitri aquoso digestus, affurrexere bullulae, unde videbatur solutio fieri; huic liquori, instillato ol. Tart. per del., levis contigit lactescentia: materies calculosa residua pristino adhuc gaudebat colore: aliquos tamen a sp. Nitri, vel pro parte, vel toto solvi, affirmant VIEUSSENS (g), et GREW (h). Ol. Vitrioli rectificatum affusum statim nigredinem contraxit,

(c) Ib. 1737. hebd 1.

(d) Schat der Ongezontheyt p. 156.
(g) Obs. 223.

(h) p. 252.

(e) Ib.

(f) Ann.

traxit, postque lenem digestionem admodum spissum reddebatur; affusa aqua, et digestionem facta, leve quid flocculentum nigrum in fundo vasis sese manifestavit; tinctura ista evaporata, exhibuit per pauca salis selenitici spicula.

Cum ol. Tart. per del., aqua diluto, digestionem commissus pulvis calculi, nata est tinctura obscure viridis, ex qua affusum acidum vitriolicum materiem, ex nigro viridem, excussit, quae habitu ad ignem cum praecipitato bilis ope acidorum proxime conveniebat: pulvisculus autem residuus pristinum adhuc servaverat colorem; quo iterum cum sp. Nitri aquoso digesto, nata est tinctura flava, leviter adstringens, quae ab instillato ol. Tart. per del. nullam subiit lactescentiam: Ill tamen **HALLERIUS** (i) vidit calculum biliarium in ol. Tart. per del. totum solutum.

Alcali fixum causticum, particulis calculosis admixtum, colorem aurantio fuscum inde contraxit; ex qua tinctura acidum vitriolicum materiem flocculentam viridem, similem praecipitato ope acidorum, excussit. Per affusum sp. Therebintinae colliquescent (k), et ab oleo solvi auctor est **TACCONI** (l). Crustam exteriorem in succo raphani rusticani, et cochleariae solvi, scribit **Doct. DE VRIES** (m). Praeterea omnes succi vegetabilium recentium quodammodo in calculos biliarios, saltem in eos, qui in ductibus hepaticis sedem suam habent, agere videntur; quod patet in bobus, qui, verno tempore gramine utentes, per alvum talia concrementa calculosa, quae hieme, cum in stabulis degunt, nata sunt, emittunt: hi calculi fistulosi, quousque experimenta evincunt, ut plurimum ex terra calcarea, materiaque viscido-pingui compositi videntur; flammam enim vix concipiunt, sed abeunt in carbonem nigrum, fumumque excutiunt, crines vel corium combustum redolentem; praeterea acida etiam debiliora maximam illorum partem solvunt, eorumque cohaesionem destruunt, quod non ita in calculis felleis compactis accidit, plerumque autem minus terrae calcareae continent: affert etiam **Ill. SWIETENIUS** (n) casus, ubi
per

(i) l. c. p. 192.
di fific. p. 320.
§. 950.

(k) Giorn de Letter T. 32. p. 146. et 147.
(m) Diss. p. 27. et 28.

(l) Mem.
(n) Comment. ad Boerh.

per usum succorum vegetabilium recentium homines a pertinaci Ictero sanati fuere, per anum multum materiae calculosae excernentes.

Haec sunt, quae examine chemico in his calculis detecta sunt, quorum quaedam manifesto materias constituentes declarant, monstrantque, has cum iis, bilem componentibus, convenire: quaedam vero ostendunt, quid varia menstrua in variis calculis ad eos dissolvendos praestiterint.

Hisce absolutis transeo ad eorum genesis contemplandam.

CAPUT SECUNDUM.

De Generatione Calculorum Biliariorum.

§. I.

Ad horum calculorum generationem requiritur singularis bilis dispositio, ponitque fere certam ejus a naturali sua indole degenerationem, qua fit, ut vel tota in massam solidam abeat, vel excutiat particulas, quae calculum efformare possunt; nunquam enim bilis, licet diu asservetur, si modo crasin suam retinet, excutit particulas, quemadmodum fieri videmus in urina, quae, licet hominis sanissimi, si in vase aliquamdiu stagnat, ejus lateribus affigit particulas quasdam, quae examinatae eandem cum calculis urinae materiam monstrant.

§. II.

Singularem bilis dispositionem adesse docet ejus a statu naturali degeneratione, ubi calculi adsunt; dicit enim HALLERUS (o): *bilis cum calculo semper effeta, et absque legitimo amarore, subinde pene nulla fuit; praeterea junior aetas, et ii, qui corpus satis exercent, raro his*

cal-

(o) l. c. Hist. 10.

calculis infestantur; observatum quoque est, frequentius occurrere in hominibus, qui annum quinquagesimum superarunt, uti et feminas praeviris magis huic morbo obnoxias esse: aliquando ista dispositio per totum corpus diffusa est, qua fit, ut plures N. C. humores talia concrementa producant: sic exstant observationes apud SCHENKIIUM, et alios observatores, homines, calculo felleo laborantes, simul in renibus, et vesica urinaria calculos habuisse, ut et tophos podagricos; unde Cl. COE (p) concludit, magnam esse convenientiam inter horum genesis, atque calculorum urinariorum, nec non tophorum podagricorum: agnoscit tamen et aliam causam; nimirum diuturniorem bilis in vesicula moram, imprimis si praeter naturam viscida est, vel majorem terrae copiam in se continet.

§. III.

FERNELIUS (q), VATERUS, VESLINGIUS, et plures alii, causam hujus generationis adscripserunt bili, quam dixerunt, si proprio conceptaculo diutius coerceatur, nec tempestive evacuetur, nec novae bilis influxu renovaretur, mirum in modum obdurescere: VATERUS, ut hanc bilis inspissationem explicaret, adducit vesiculae felleae, ejusque ductus situm, nam, cum vidisset ob fundi cystidis declivitatem difficilem bilis adscensum, et ob ductus obliquitatem non expeditum bilis transitum, censuit, vesicula a ventriculo compressa, non nisi tenuiorem, et maxime fluxilem bilis partem extrudi, spissiore vero relinqui, quae facile concrederet, nisi mox novo bilis hepaticae affluxu dilueretur. Ill. HOFFMANNUS (r) etiam diuturniori bilis intra vesiculam stagnationi, liquidiore interim per poros vesiculae protruso, remanente crassiore, adscribit.

§. IV.

Cl. BERGENIUS (s), qui simul cum calculis arenosam mucosam-
que

(p) Ib. (q) Pathol. L. 6. C. 5. (r) l. c. §. 10. (s) Comm. Lit.
Nor. Ann. 1739. h. 39.

que materiem invenit, hanc, tanquam matricem horum calculorum, procul dubio considerandam esse, censuit.

§. V.

Cl. GAUBIUS (1), Praeceptor meus, omni honore et venerantia semper prosequendus, calculorum felleorum, etsi divertum paulo genium habeant, originem tamen haud ab similem calculis urinariis censendam esse flatuit: horum autem genesin inde explicat, quod elementa calculorum in lotio vere soluta fluctuent, ut sales in aqua, inde per modum crystallisationis chemicae excutiantur, mutua attractione in granula majora, et haec porro inter sese, concrecant, obviisque corporibus sese affigant, sicque sensim calculum forment: agnoscit tamen insuper dispositionem quandam singularem internam, haereditariam, et connatam, aut post nativitatem acquisitam, qua alius prae alio magis in lithiasin propendet; vitium nimirum in systemate urinario, ut lotium nimis moretur, aut adhaesionem justo facilius admittat: maxime vero incusandum esse putat illud urinae vitium, quo terreae particulae ultra modum abundant, aut citius, quam par est, etiamnum intra corpus secessionem moliantur. Has causas commode ad calculorum felleorum originem applicari posse, patebit.

§. VI.

Hujus generationis causa proxima unice in majore particularum, bilem constituentium, coadunatione, seu aucto cohaesionis gradu, quaerenda esse videtur: cum nunc bilis fluiditas, minorque cohaesio solum ab aqua dependeat, possunt reliquae bilis partes talem coadunationem majorem moliri, parte aquea ratione aliarum partium minori copia in bile existente; aut singulari vi particulis iis insita.

§. VII.

(1) Inst. Pathol. §. 579.

§. VII.

Causae vero, quae istam majorem particularum coadunationem producere valent, sunt

I. Bilis nimia spissitudo. Haec, prae reliquis N. C. humoribus viscida, etiam pronior est in majorem spissitudinem, si tantum quid materialium istarum, spissitudinem illam inducentium, abundet, vel si aqua non ea copia, quae requiritur ad justam bili fluiditatem conciliandam, adest: quo autem spissior bilis, eo magis particulae crassamenti contiguae sunt; augetur ergo vis illa, qua in mutuum contactum nituntur: talis nunc bilis spissa, sive in vesicula illam spissitudinem contraxerit, sive ita secreta fuerit, ibi stagnans, magis et magis solidescit, parte aquosa vel calore dissipata, vel a vasis inhalantibus resorpta, vel ab alia causa discussa: tali modo calculi isti molles, quales BEVERWYCKIUS, alique invenerunt, quique non nisi bilem inspissatam esse monstrabant, nam ab aqua penitus solvebantur, solutioque omni dote cum bile conveniebat, nati videntur: tales etiam per anum rejectos se vidisse mecum Cl. VAN DOEVEREN, Praeceptor meus, omni honore et observantia colendus, communicavit.

Causae, istam spissitudinem producentes, agunt vel in totam nostrorum humorum massam, vel solum in bilem: prioris generis sunt

α. Alimenta et potulenta viscida, austeraque immatura: priora requirunt viscera robusta, motumque debitum, ut subigantur, bonusque chylus conficiatur: si haec ingeruntur ab iis, qui ventriculum et intestina habent debilia, nec motum debitum exercent, non rite subiguntur, sed, retinentes suam naturam glutinosam, cum sanguine miscentur; unde tardior humorum per canales transitus, ut et menstruorum, ad digestionem necessariorum, inviscatio: posteriora vero eam habent vim, ut solidarum partium elementa ad se invicem accedere faciant, fluidisque majorem concilient lentorem, unde eadem, ac a prioribus, oriuntur mala.

β. Imminutus motus: quando is deficit, humores lentius procedunt, inque vasis minimis stagnant, oriturque lentor in omnibus N. C. humoribus, ergo et in bile.

γ. Motus et calor nimius : his nimirum humorum massa a liquidiore parte orbatur, relictæ crassiori, debet ergo spissitudo in humoribus nasci : eo in casu vasa absorbentia in sua actione pergunt, omnemque liquidiorē partem inhalant; vasa vero exhalantia ob defectum liquidi in sua actione deficiunt, non restituitur ergo pars liquida ad illam spissitudinem tollendam, sed pars crassior magis et magis compingitur : huc et reduci possunt excretionēs præter naturales, vel naturales auctae; nam et his tenuiora e corpore eliminantur.

δ. Potus deficiens continuantibus omnibus excretionibus : requiritur potus, ut partes tenuiores, per continuam earum excretionem diffusæ, restaurentur; hoc nunc deficiente, necessario spissitudo oriri debet : huic annumerari meretur somnus diu protractus; nam durante somno viget maximopere perspiratio insensibilis, qua ingens partis tenuioris copia diffatur, nec restituitur ab assumpto potu.

ε. Abusus acidorum, spirituosorum, adstringentiumque : hæc non solum vi humores nostros coagulandi pollent, verum et fibras, canalesque ita constringere valent, ut liquida tantum pars transmeare possit, crassiori interim remanente : tali modo et agit potus aquae gelidae, imprimis tempore hiemali, nam notum est, frigore omnia condensari, atque contrahi.

ζ. Aetas : constat bilem in juniore aetate minus viscosum esse, quam in proVectiori; omnes enim actiones in junioribus multo vividiores sunt, quam in senibus, ubi e contra lentiores procedunt, unde plerumque lentor in eorum humoribus observatur.

η. Sexus sequior : imprimis in delicatioribus, qui vitam sedentariam agunt, ubi omnia sunt laxa, et debilia, imprimis viscera, unde non bene procedit digestio, nec concoctio ciborum; alimenta igitur crudiora, ad sanguinem deducta, ab eo non rite subigi queunt, quia circulatio minus viget; oritur sic lentor humorum, et dispositio in concrementum calculosum. HOFFMANNUS (u) notat, feminas, cessante fluxu menstruo, magis ad hæc concrementa dispositas esse, quod sanguinem habeant spissiore : hocce deducit ex eo, quod, succrescente majori sanguinis in vasis copia, hic difficilius moveatur, et hinc

(u) l. c. §. 14.

hinc inde subsistens, secedentibus partibus tenerioribus, spissior red-
datur.

Causas vero, quae bili soli istum inducunt lentorem, nunc videamus:
hae tales sunt, quae excretionem bilis e vesicula impediunt, diutur-
nioremque moram in suo receptaculo producant: inter has enumerari
merentur

a. Spasmus, sive ductus cysticus, sive choledochi; quamdiu durat
iste spasmus, impeditur bilis egressus, pars liquida absorbetur rema-
nente crassiori, quae aliquando in spissitudinem insignem abit.

b. Scirrosae, callosaeque Hepatis, vicinarumque partium indura-
tiones, vel abscessus, ductus biliarios comprimantes, quae causa diu-
turna esse potest.

c. Materies viscida, vel calculus ex Hepate ad ductum choledo-
chum deductus, ita aliquando eum obturant, ut ne gutta quidem bi-
lis e vesicula ad intestinum duodenum deferri possit.

d. Quando diu pronato sedent corpore, imprimis post pastum: com-
primuntur eo situ omnia viscera abdominalia, praesertim Hepar, duc-
tusque communis, quae compressio augetur a ventriculo cibus repleto;
impeditur ergo et debita bilis excretio.

§. V I I I.

II. Abundantia particularum terreearum: his maxima cohaesionis
vis inest, semperque in mutuuum contactum, simul ac datur occasio,
nituntur; hacque data in massam solidam concrescunt: ad eam dispo-
nunt

1. Aetas provector: notum autem est, senectutem prae reliquis
aetatibus in concretiones pronam esse; abundant nimirum particulae
terreae; unde rigiditas partium solidarum, ossificationes praeternatura-
les, concretionisque lapideae dependent.

2. Temperamentum Melancholicum: in hoc videmus abundare ter-
reas particulas, ingerunt avide alimenta saepe crudiora, dura, a viribus
concoctricibus haud attenuanda, quae ob defectum motus, et animi
pathemata, v. g. moerorem, metum, etc. etiam non subigi queunt:
hoc temperamentum huic morbo saepissime obnoxium esse, docent
se

sectiones cadaverum Melancholico Maniacorum, quae existant apud
Cl. LUDWIGIUM.

3. Alimenta ficciora terrestria: particulae terreae, majori copia cum chylo commistae, intrant sanguinem, cumque eo tamdiu saepe commistae manent, quamdiu in motu est; ubi vero lentior fit motus, vel occasio quiescendi, seu stagnandi datur, elabuntur, sicque calculorum fundamentum praebent.

4. Calor et motus auctus: his lumen vasorum augetur, datur ergo particulis terreis, quae alias intrare non possent, occasio simul cum liquido penetrandi.

5. Acida nimia copia ingesta: haec, terram solventia, eam facile in sanguinem deducunt: possident vero acida vim cum terreis particulis in lapidis speciem concrescendi; haec nunc, magna copia ad bilem deducta, occasionem stagnandi acquirunt, adeoque et concrescendi, possuntque sic rudimentum calculorum producere: an forte et hic afferunt talem praecipitationem, qualem vidimus in bile oriri ab acidis vegetabilibus? nonne hoc calculi nigri, quos vidimus eadem gaudere natura ac praecipitatum illud, suadent?

§. I X.

III. Ea bilis dispositio, qua fit, ne particulas terreas, caeterum non abundantes, sustinere, seu solutas tenere valeat; sed ut secessionem justo faciliorem patiatur, eodem ergo modo, ac ex terra abundante, calculi generantur: hanc efficiunt

1. Quies et somnus excedens: his enim omnes N. C. functiones languent, bonus chylus non conficitur, particulae, illum componentes, non rite subiguntur, nec aequabiliter inter se miscentur; defertur ergo ita ad sanguinem, cumque eo circumvehitur talis chylus, et quia etiam circulatio haud debite viget, non possunt istae particulae ulterius subigi, nec rite misceri; sequitur necessario, simul ac motus fit lentior, vel occasio quiescendi datur, istarum particularum elapsus: tales particulae excident e bile, vel cum materia viscida, vel alia coire, calculumque constituere possunt: cum autem in vesicula fellea fere semper mucosa datur materia, uti mecum communicavit

Doct.

Doct. TEN HAAFF, qui notabili quantitate saepissime invenit eam materiam, liquet facile oriri posse calculos.

2. An et huc referri potest bilis putrefactio? liquet autem ex experimento Ill. SWIETENII (u), bilem putrefactam excutere particulas terreas.

3. Labes haereditaria: ejus opinionis est Cl. GAUBIUS, quod, si detur labes talis, consistat in hac dispositione, qua unus prae alio homine in lithiasin pronus est: hoc vitio laborantes homines continuo excernunt una cum urina arenulas, si in ea sedem suam habet; hocce malum et in bile obtinere docent observationes in hominibus, qui continuo per alvum sabulosam materiem deposuerunt.

§. X.

IV. Accedit et singularis particularum dos, quae iis videtur insita, qua fit, ut se invicem fortius attrahant, quam in statu naturali obtinet, quae videtur convenire cum singulari phaenomeno, in chemicis obvio, nimirum salium crystallisatione, quae et hic in auxilium vocanda est, suadentibus id calculis transparentibus, ut et aliis calculis, in quibus intus, vel extus, miculae crystallinae conspicuae sunt: vidimus vero ante, varias salium species in bile dari, quae sive abundantes, sive alio modo, nobis incognito, unitae, sive cum alia materie sese conjungentes, eos calculos constituere possunt.

Unicum tantum experimentum cum talibus calculis institutum inveni, estque illud, quod ex Comm. Liter. Nor. antea adduxi, ubi crystalli triangulares, et quadrangulares apparebant, qualem figuram habet etiam alumen biliarium. An figura triangularis, in quibusdam crystallis obvia, forte inde evenit, quod calculum istum in pulverem triverit? an vero alii intermistae salis speciei adscribenda?

§. X I.

Hae sunt causae, quae auctam cohaesionem vel nimiam coadunationem

nem

(u) l. c.

D

nem producere valent, ex quibus manifesto patet, vario modo calculos nasci posse, atque pro varia causa etiam multifarias dari differentias, v. g. pro variis materiis, ex quibus componuntur: nam quo plus materiae pinguis in se continent, eo sunt inflammabiliore, et e contrario, qui ex multo terrae, materiaque mucosa compositi sunt, minorem inflammabilitatis gradum, aut penitus nullum habent: plurimi tamen quandam flammæ concipiendæ gradum possident: excipit Ill. MORGAGNUS calculos nigros, qui potius ex materia viscida terreaque formati esse videntur, monstrante hoc convenientia cum præcipitato bilis ope acidi Tartari, quod ex istis materiis conflatur; nam flammæ admoti eam non capiunt, nec liquefiunt, sed intumescunt, fumumque, capillos, vel corium combustum redolentem, spargunt, quod præcipitato isti etiam proprium est: excipit COE calculos albos terrestres, quorum originem attribuere possemus excussæ materiae terreae, quæ cum mucos obvio concrefcens, calculum format.

Levitatem horum calculorum nonnulli copiae aëris, in iis contenti, attribuunt; quam vidimus ex experimento HALESI tantam esse, ut 6+8^{ies} propria mole major esset: observatum quoque est, plures, antequam fundum petunt, excutere bullulas aëreas, vide Ill. MORGAGNUM (w): huic vero opinioni quam maxime contrariatur observatio ejusdem Ill. HALESI, nimirum in calculis urinariis fere eandem aëris elastici quantitatem inveniri; deberent igitur et hi aquae innatare, si ab hac causa dependeret: alii adscripserunt copiae materiae oleosæ, quæ in his calculis inest, et certe huic opinioni favere videtur, quod pinguis et resinosa aqua specificè sint leviora; verum statim cadit hæc opinio, simul ac inspiciamus observationem, quod calculi, aquae innatantes, si in frustula diffinguntur, statim fundum petant: si nunc a materia pingui dependeret, tunc et frustula ista quoque innatare deberent: tandem fuere et alii, qui densitati crustæ exterioris adscribunt, quæ impedit, quominus aqua se poris calculi insinuare possit, ut fit, si franguntur.

Varietates coloris, et consistentiæ a varia materia, ex qua compo-

(w) De Sed. & caus. Morb. L. 3. Ep. 37.

nuntur, vel bile, in qua nascuntur, deducendae sunt: notat Cl. COE (x) colorem bilis semper cum eo calculorum, qui in ea formati sunt, convenire; contrarium vero patet, si observationes Cl. HALLERI, ut et aliorum, inspiciamus, qui tot varii coloris calculos in bile, minime quoad colorem cum calculis conveniente, invenerunt; vel locus iste ita intelligi deberet, ut putet Cl. COE, bilem eo tempore, ubi calculi formantur, talem habere colorem, qui in bile aequae multifarius est, ac in calculis, uti docent observationes LUDWIGII (y); minime tamen hoc in calculis crystallinis obtinere credendum.

Variam figuram Cl. COE explicat ex pressione folliculorum, in quibus haerent, et frictione ad se invicem; verum haec non sufficiunt ad explicandas omnes figuras in variis calculis obvias: requiritur autem, ut in quibusdam, imprimis qui durioris sunt consistentiae, in auxilium vocetur species crystallisationis: priores causae agere possunt in calculos molles, ut et frictio in duros, sed inde haud explicari potest constans quaedam figura, in variis calculis, in eadem vesicula haerentibus, obvia: qualia plura adduxi exempla, agens de figura horum calculorum.

Numerus horum calculorum adeo diversus a variis dependere potest causis, inter quas non minima censeretur debet; quando particulae plures solidae, sive bilis inspissatae, sive naturae terreae, in vesicula haerentes, constituunt nucleum; quo igitur copiosiores sunt istae particulae, eo numerosiores erunt calculi, si non in unam massam concrescunt.

§. X I I.

Hae causae etiam producere valent calculos hepaticos, quando vel detinetur bilis intra ductulum quemdam biliarium, unde stagnatio, et inspissatio oritur: vel quando materia terrea jam excutiatur intra Hepar; notum autem est, circulationem, et progressum bilis lente in hoc viscere fieri, unde tunc occasio excutiendi, vel secedendi bili datur: calculi vero crystallini, quantum novi, hic non observati sunt: an forte

(x) Ib. p. 83.

(y) l. c. p. 149.

forte inde fit, ut majorem requirant quietem ad concrefcendum? an vero bili hepaticae materies illa, ex qua componuntur, five fit falina, five alia, minori copia ineft?

§. X I I I.

Calculi fistulofi, quos minus frequenter in hominibus, quam in animalibus occurrere diximus, non per bilis inſpiſſationem oriri, verum potius ſecundam, vel tertiam cauſam, nimirum terrae abundantiam, vel ejus faciliorem e bile ſeceſſum, ut et earum particularum lateribus applicationem, uti videmus fieri in fontium medicatarum canalibus, qui quotannis, vel omni biennio purgari debent a materia, five terrea, five ſulphurea, ſeſe lateribus eorum canalium affigente, agnoſcere videntur; quod ſuadet ejus natura; nam ex terrea materie, intermixta parte mucoſa, compoſiti ſunt; docet etiam occaſio, qua naſcuntur; nam notum eſt, boves hoc malum contrahere, quando hiemali tempore in ſtabulis degunt: utuntur ibi alimentis ficcioribus, particulas multas terreas continentibus, uti foenum; deficit et motus; debet ergo terra vel abundare, vel ob defectum motus illa non intime cum humoribus miſcetur, excidere tunc poſſunt particulae terreae, ubi motus eſt lentus, quod in Hepate locum habere paulo ante vidimus: excuſſione vel ſeceſſione tali hic in ductibus locum habente, particulae terreae, ſe cum materia mucoſa conjungentes, vel alias particulas attrahentes, ut et aliae particulae ſe cum iis excuſſis unientes, concretum tale conſtituere poſſunt: conſtat autem, particulis humorum noſtrorum ſolidis proprium eſſe, ſe corpori ſolido, cui occurrunt, affigere, cruſtamque calculoſam formare; quod confirmatur pluribus obſervationibus in urina; et quotidie videmus in ſaliva, quae excutit materiem calcaream, ſeſe dentibus affigentem, imprimis in talibus hominibus, in quibus manducatio non multum exercetur: quod et hic locum habere videtur.

§. X I V.

Haec ſunt, quae de horum calculorum generatione dicenda habeo, quaeque evincunt, maximam inter horum, et urinariorum calculorum
for-

formationem dari convenientiam; requiri tamen in bile dispositionem singularem, ut et degenerationem a statu naturali, quod in urina non ita se habet; nam antea jam diximus, urinam sanissimam, si aliquamdiu in vase detinetur, excutere materiam calculosam, quod in bile non fit. Expositis causis, generationem, ut et innumeras horum calculorum diversitates producentes, transeo ad signa, quae indicant talia concrementa in corpore latere.

C A P U T T E R T I U M.

De Signis.

§. I.

Omnium signorum, horum calculorum praesentiam in corpore indicantium, nullum fere datur, quod perpetuum, aut peculiare est, et certo indicat, calculos bilarios adeste: possunt haec signa in duas classes dividi, quarum una calculum in ductu cystico vel choledocho haerentem, vel per eos ad duodenum transeuntem, declarat; altera praesentiam eorum in Vesicula fellea indicat.

§. II.

Prioris generis sunt: dolor acutus, subitaneus, profundus, non vagus, sed in una eademque sede defixus, in hypochondrio dextro circa latus scrobiculi cordis, seu in dextra stomachi parte, ad dorsum aliquando penetrans, qui exacerbatur, vel remittit absque febre, aut inflammationis signis, nec ulla alia causa evidente; adest summa praecordiorum anxietas, spirandi angustia, nausea, nonnunquam et vomitus, flatus et tensiones hypochondrii, syncope, inquietudo, et vigiliae, alvi constipatio cum excrementis albis, pulsus imbecillior, sed vix citatior, nisi in doloribus exquisitis, et perdurantibus, a situ ere-

cto, et decubitu in latere sinistro molestia, unde plerumque dorso flexo incurvati incedere debent; dolor acuitur tussiendo, et sternutando, aliquando dolor in brachio humeroque dextro sentitur, nonnunquam dolor per totum abdomen est diffusus; accedunt etiam convulsiones, urina primo pallida fit flava, color icteritius in cute et oculis apparet; sequitur tandem vel subitanea omnium symptomatum remissio, cui aliquando supervenit diarrhaea, et calculorum per anum excretio, icterusque gradatim evanescit; vel remanent nonnunquam graviora mala.

§. III.

Verum haec omnia, si non plura simul apparent, fallacia saepe sunt, nec ullum est, quod ut signum pathognomicum considerari potest, nam ab aliis produci possunt morbis, excepta calculorum excretionem, sive per anum, quod saepius fit, sive per vomitum, ut RIVERIUS, HOFFMANNUS, et COE observarunt; saepe tamen abest ista excretio, unde nonnunquam diagnosi difficilis fit: quoniam nullum fere datur signum, quod haud fallax est, debent plura simul animadverti, quae docent colicam a calculis felleis provenire; inter haec primaria sunt; color cutis et foecum ut in ictericis, et dolor vehementissimus absque febre. Ill. HOFFMANNUS (2) enumerat quaedam signa haud fallacia, quae calculorum in ductibus praesentiam indicant, nimirum dolorem gravem, et lancinatorium in hypochondrio dextro circa scrobiculum cordis, constanter cum aliqua remissione affligentem, cum summa praecordiorum anxietate, spirandi angustia, pectoris compressione, nausea, et nonnunquam ipso vomitu, alvi constipatione, inquietudine, et vigiliis junctum; quibus accedit, quod ejusmodi aegrotantes non erecti, sed dorso flexo incurvati, incedere possint: dolorem illum circa cartilaginem ensiformem pro signo calculi, in ductum communem illapsi, Cl. WEPFERUS quoque indicavit.

§. IV.

(2) l. c. p. 4. C. 12. §. 11.

§. I V.

Verum mira diversitas in alio et alio homine apparet, quod a varia ejus dispositione, ut et calculorum varietate, dependet: quo autem laxiores, et minus sensibiles sunt homines, eo facilius ductus distendi possunt, ut et nervi minus afficiuntur; etiam, quo minores, laevioresque sunt calculi, eo facilius per ductus transeunt, atque nervos minus irritant, et e contrario: unde certe diagnosi difficilior redditur.

Omnia haec symptomata, hic apparentia, a distensione ductus, per quos calculus progreditur, et consensu nervorum deducenda sunt.

§. V.

Diximus omnia fere haec signa, imo optima, saepe esse fallacia, quia vel in aliis morbis apparent, vel saepe absunt; v. g. dolor ille ad cartilaginem ensiformem; saepe fit, ut dolor talis nunquam appareat, et calculi tamen per alvum excernantur, vel quod ab alia causa producat; sic B O N E T U S in Sepulchreto Anatomico (a) talem dolorem, ortum a calculis, fundo ventriculi adhaerentibus, habet; H O F F M A N N U S (b), ab amurca bilis productum; et a vermibus, in vesicula fellea latitantibus, L U D W I G (c) exemplum habet.

Dolor iste saepe est vehementissimus, ita ut nullum majorem nonnunquam patiatur corpus, unde adeo irritantur nervi, ut syncopen, convulsiones, pluraque alia gravia mala producant: sic Cl. C O E vidit feminam, quae ad singulos paroxysmos ejulabat, donec ad ἀκμὴν pervenerat, abinde vero cantabat, quasi sui ipsius nescia per minuti spatium aut diutius, tandem dolore remisso ad se redibat: aliquando dolor iste est tolerabilis, quandoque nullus adest, quod a varia magnitudine, et superficie calculi, vel et faciliori ductus distensione dependet.

Feminae omnes, quas tractavit Cl. C O E, dolores illos vehementiores

(a) L. 3. f. 7. obs. 32.

(b) l. c. p. 2. f. 2. cap. 3. obs. 4.

(c) Adv. Med. Pr. Vol. 2. p. 300.

res fimiles illis parturientium pronunciarunt ; nec mirum , quia per intervallum aggrediuntur , uti dolores in partu ad excludendum foetum , ergo et hic fit , quod in omnibus fere spasmodis observatur , sc. remissio ; nani Natura saepe non sufficit tamdiu uno tenore agere ; cum nunc consideremus angustiam ductuum , et comparemus cum calculis magnis , qui quandoque per anum excreti fuere , patet facile , quasnam vires , tempusque impendere debeat Natura ad eos expellendos ; unde diuturnitas major vel minor dolorum dependet ; nonnunquam per duas vel tres horas durat , in eo casu calculus est vel parvus , vel ductus antea jam dilatatus ; qualia plura exempla prostant ; quandoque et tot dies requiruntur , ut calculus per ductum propellatur ; ex quibus satis liquet , dolorem solum non pro signo diagnostico habendum esse.

§. V I.

Icterus saepissime apparens , non determinari potest , an oriatur ab hac causa , antequam calculi excernuntur , quia tot causis producitur , et saepe calculum non comitatur , licet dolor diu adfuerit ; si vero et alia signa simul adsunt , quae suadent calculum adesse , tunc concludere possumus , et Icterus a calculis oriri : Quandoque Icterus periodicus est , cujus HOFFMANNUS (d) notabilem casum habet ; *quidam ictero annuatim periodico cum doloribus affligebatur , qui vero post excretionem lapilli , baccae lauri similis , cessabat ; altero anno rursus invadebat morbus , qui iterum per calculos rejectos siluit* : Icterus tamen saepe recidivum pro signo diagnostico habent nonnulli Auctores ; sed difficilior est diagnosi in priore , quam in posteriore.

§. V I I.

Excrementa albida sola pro signo haberi non possunt , quoniam a pluribus causis saepe retinetur bilis , ut nimia ejus viscositate , obstructione ductus a materia viscida , constrictione spastica , compressione per scirrosum , vel alium tumorem , vel coalitione ductus , qualis existat ob-

observatio in Actis Edinb. (*d*) ; sed hae ultimae causae sunt permanentes : excernuntur aliquando et tales faeces albae absque ullo Icteri signo , nimirum retentione bilis ; si tunc simul adsunt causae , quae impediunt , quominus bilis in sanguinem regurgitare possit , ut bilis nimia visciditas , aut obstructio pororum ; vel licet causae tales non adsint , potest bilis degeneratio , qua flavedinem suam amisit , qualis saepe invenitur cum calculis , esse causa non apparentis Icteri.

§. I X.

Urina ista pallida , quam vidimus in paroxysmo saepe excerni , solum dependet a nervorum affectione , qua in vasis uropoieticis constrictio spastica nascitur ; mutatio vero ex albo in flavum colorem a bile , in sanguinem regurgitata , cumque urina , spasma sc. cessante , e corpore eliminata , deducenda est.

Post absolutum talem paroxysmum saepius unus , vel plures calculi per anum excernuntur cum diarrhaea , ab iis calculis et retenta bile , nunc magna copia in intestinum affluente , producta , vel absque diarrhaea.

Sentiunt nonnumquam singularem motum aegri , quando calculi ex ductu in intestinum duodenum illabuntur , v. g. ac si quid frangeretur , vel quasi aquam fluctuantem , quod derivandum videtur a bile retenta , nunc simul cum calculo in intestinum effusa.

§. X.

Aggreditur paroxysmus absque febre aut inflammationis signis , nam non magis comitantur hunc dolorem , quam illum ad partum , aut paroxysmum a calculo per ureterem transeunte ; notat etiam Cl. COE , se saepe miratum fuisse , quod pulsus adeo quietus esset in istis doloribus vehementibus , invenitque pulsum magis tranquillum , quam in calculo ureteris ; possunt tamen hi dolores adeo vehementes esse , ut
ista

(*d*) Med. Ess. vol. 2. art. 21.

ista producant mala : si vero accidit , ut febris vel inflammatio oriatur , dicit Cl. COE totum casum adeo turbari , ut calculus vix pro causa sit habenda ; possunt enim febris et inflammatio accidentaliter supervenire calculis in vesicula latitantibus ; Vid. Act. Edinburg (e).

§. XI.

Distinguitur haec colicae species ab hepatitide , dolore acutissimo , sique accedit Icterus , et dolor est remittens , tunc concludi potest adeste calculos ; si vero inflammatio solum adest , dolor est aequabilis , ut in gastritide , in qua praeterea adest febris acutissima , sitis intolerabilis , continuaque vomitatio : ab intestinorum inflammatione pulsu ; vidimus ante pulsum plerumque esse tranquillum , cum e contrario in talibus inflammationibus pulsus est fortis , celer , durus , qui cum dolore tamdiu manet , donec morbus decrescit , vel in suppurationem , aut gangraenam abit : inflammatio intestini , ut et ductus choledochi , dolorem et icterum producere valet ; quod accidit , si inflammatio diu durat ; comprimatur tunc orificium ductus , vel tunicae ductus adeo intumescunt , ut cavitatem oppilescant : Icterus vero , originem ex inflammatione Hepatis habens , distinguitur ab eo , a calculis producto , constantia doloris , et continua febre acuta , quae non semper calculos comitantur.

Calculi autem per anum rejecti certo certius , hos dolores et caetera symptomata ab iis causata fuisse indicant.

§. XII.

Diagnosin vero , utrum a calculis biliariis , an vero a stercoreis producta sint , valde incerta est : monet tamen Cl. COE , in omnibus doloribus colicis , qui saepius recidivi sunt , Medicum ad ejusmodi calculi praesentiam attentum esse debere , interque signa refert dolorem per omne paroxysmi tempus in uno loco fixum , aut tractum intestini coli sequentem ; colicos dolores saepius sine manifesta quadam causa

re-

(e) Med. Ess. v. 2. art. 29.

recrudescentes ; absentiam signorum inflammationis , obstructionis bilis , aut calculi urinarii , vel spasmi nervosi ; dolorem subito sine sensibili evacuatione cessantem ; tumorem denique , et duritiem in parte. Fuere quidam ea in opinione , cum viderent calculos magnitudinis insignis per anum excretos , eos in ipsis intestinis fuisse progenitos , considerantes parvum ductuum biliariorum lumen ; verum observationes quaedam manifesto docuerunt , tales magnos ex vesicula fellea per ductus ad intestinum fuisse protrusos : legitur talis observatio apud VATERUM in dissertatione de calculis ; insignem calculum femina quaedam per alvum excreverat , dein mortua in vesicula fellea inveniebantur adhuc quinque alii minores , ita figurati , ut videri posset , quomodo majori illi , corculum referenti , adhaesissent : et Ill. SWIETENIUS (*f*) notat de calculo , cum cruciatibus acerbioribus in duodeno per anum excreto , foveis duabus in superficie excavato , significantibus adhuc duos restare , qui postea etiam prodire : mirifice autem ductus illi ampliari possunt ; sic BEZOLDUS (*g*) invenit ductum cysticum ordinario octuplo majorem , ut pollicis crassitiem adaequaret ; et MORGAGNUS (*b*) casum habet ingentis ductus choledochi amplificationis ; aderat nimirum ingens abscessus in Hepate , cui cavo magnum respondebat orificium , in quod , quasi in pelvim quandam , expanderat se ductus choledochus , parte reliqua adeo amplificatus , ut digitum admittere posset : tales quoque amplificationes inveniuntur in aliis canalibus membranosis , talemque in uretere in collegio nobis monstravit Cl. VAN DOEVEREN ; erat ureter adeo amplificatus , ut pollicem manus facile admittere posset ; ex quibus patet , tales magnos calculos minime pro intestinalibus habendos esse.

§. X I I I.

Enumerantur quoque ab auctoribus duae causae , quae eadem ac calculi symptomata producere valent : sunt Venena , intus assumpta , vel extus applicata , et Spasmi ; verum internoscuntur , quod eorum effectus

(*f*) Comm. ad §. 950.
Art. 10.

(*g*) Diff. de Cholelitho.

(*b*) Ep. Anat. 3.

fectus differant ab iis calculorum, absentia aliquorum symptomatum memoratorum, aut concursu aliarum circumstantiarum, ut et praegressis, quae aegro evenerunt; etiam accurata investigatione constitutionis, vel alio signo characteristico: causantur enim venena, licet dolores eosdem producant, dolorem magis constantem et urentem, nec adeo limitatum, seque per intestina magis diffundentem; et ordinario id, quod vomitu dejectum est, praebebit signum; si vero venenum in materia vomitu rejecta non invenitur, cognoscitur, quod sanguis et pituita mista exspuantur. Icterus aliquando ab iis producitur, imprimis morfu animalium venenatorum, verum hic cito cognoscitur.

Spasmos vero dolores, ictenumque producere posse, docet quotidiana praxis; notat autem Cl. COE, faeces tali in Ictero non esse albidas, quales sunt in calculosis; hoc fieri in spasmis, non diu durantibus, vel solum in poris biliaribus sedem habentibus, concedendum videtur; verum si haeret in ductu cystico vel choledoch, diuque durat, impedit necessario bilis in intestinum effusionem, sicque et faeces albae excerni possunt.

§. X I V.

Signa, calculum vel plures, in ipsa vesicula latitantes, indicantia, multo obscuriora et incertiora sunt; quod BAGLIVIVS etiam annotavit (i), cum dicit; *qui si fuerint in Vesicula, signa eorum difficilia sunt, obscura, & vix humana mente investigabilia*: idem locum habet, ubi calculi in renibus haerent, qui etiam minus cognoscuntur, quam si per ureteres descendunt, vel in iis haerent; possunt enim in vesicula absque ulla manifesta noxa per longum tempus, imo aliquando per totam vitam haerere, quando nempe non moventur, sed quiete jacent calculi; quod docent homines, iis laborantes, tempore ἀνυρεξίας: videmus et hoc in calculis urinariis.

§. X V.

Quando vero calculi fellei sunt magni, vel asperi, vel plures simul
in

(i) Oper. omnia p. 434.

in vesicula continentur, tunc se produnt dolore gravativo, ut et punctorio; quandoque tumor in hypochondrio dextro apparet, quando sc. sua mole unus vel plures calculi distendunt vesiculam, qualem casum jam memoravimus ex SCULTETO, ubi ab uno calculo vesicula distendebatur, et per plures productus talis tumor legitur apud BIANCHI (*k*); nam post 300 calculorum excretionem decrevit tumor; saepius vero oboritur iste tumor a bile intra vesiculam retenta, tuncque plerumque adest dolor gravativus, si vero minor, asperque est calculus, vel plures angulosi, tunc saepe sentiunt dolorem acutum, praecipue post exercitium; dolor tamen iste minor est, quam si per ductus transit calculus; habent saepe tales aegri dolorem in humero et brachio dextro, quem dolorem etiam BAGLIVIVS (*l*) repetit ex calculo in vesicula latitante; nonnunquam vero singularem doloris speciem sentiunt aegri, sic apud Cl. COE (*m*) legitur observatio feminae, quae per 30 annos doloribus talibus, ac si a vipera morderetur, vexabatur; aperto cadavere inveniebatur calculus praegrandis: alium casum habet HOFFMANNUS (*n*); quaerebatur sc. aeger per biennium ante mortem de intolerabilibus et fixis doloribus ardentibus circa praecordia in hypochondrio dextro, ac si ignitos in corpore aleret carbones, qui totum saepe abdomen acerbissimis torminibus occupabant; post mortem vesicula fellea tota calculis repleta inveniebatur; additque illos dolores faevos et tormina non adeo a calculis, quam potius ab ipsa bile, per poros, cum non liberum habeat exitum, transudante, partesque circumjacentes arrodente, oriri, quod in hoc casu locum habuit; nam praeter intestinum colon et partem duodeni cum pyloro ventriculi fundus foedo flavo colore tinctus, tunicaque exterior corrosa, inveniebantur: qualia plura exempla leguntur apud ST. V. D. WIEL (*o*): verum hic dolor, qui per biennium duravit, minime bili transudanti hoc in casu adscribendus videtur, nam bilis, simul ac stagnat loco calido, subito contrahit putredinem et acrimoniam ingentem, quibus vehementer erodere, mortemque subito inducere valet; videtur ergo potius hic bilis aliquot tempus ante mortem transudasse, istaque mala produxisse.

§ XVI.

(*k*) l. c. p. 189. (*l*) ib. p. 433. (*m*) p. 185. (*n*) l. c. p. 2. p. 275.
 (*o*) Cent. 1. obs. 48.

§. X V I.

Praeter hosce dolores saepe etiam Icterus eos comitatur ; notat **BIANCHI**, homines , qui calculo hepatico aut cystico utut exiliori mitiorique detinentur malo , semper icterico plus minus habitu corporis perfusos deprehendi : aliquando levissimus saepe et nullus adest , nonnunquam remittit , vel continuus est , quem morbum **COE** explicat ex calculorum numero , figura , vel quando obstruit ductum ; quando vero pro tempore obturatur collum , uti quandoque in vesica urinaria fit , vel tantum pro parte , oritur levissima Icteri species ; sed si continuo , continuus est Icterus : talem obturationem locum habere posse testantur observationes **Cl. REVERHORSTII** , et **COE** , qui et tabula figuram vesiculae et calculi , ejus collum obturantis , expresse-
runt ; pulcherrimum tale exemplum possidet **Cl. V. DOEVEREN** , quod mihi pro more suo humanissime demonstravit ; nimirum vesicula fellea , Hepati annexa , magna et ab aëre contento extensa , ad collum obturabatur calculo , magnitudinis nucis moschatae , ductusque cysticus coalitus videbatur ; nam cavitas ejus nullo modo detegi potuit : verum non affirmare potest **Cl. Vir** , an ictero laboraverit iste homo ; nam vivente homine casum examinare haud potuit ; notat etiam **REVERHORSTIUS** adesse posse dolorem absque Ictero , et Icterus absque dolore , sique hoc fit , concludi posse , calculum nimis magnum esse , quam ut se collo inferere possit ; quod ulterius affirmatur , si dolor et Icterus saepe recidivus est , praesertim si in regione vesiculae felleae dolor gravativus sentiatur.

§. X V I I.

Hepatici etiam calculi eadem signa praebere possunt , ac calculi per ductum transgredientes , quando nimirum poros hepaticos vel distendunt , vel asperitate sua laedunt ; oriuntur tunc dolores immanes : quando bili viam intercludunt , producant Icterus ; verum et haec non pro certis signis habenda sunt , cum absque iis saepe lateat in Hepate calculi magni , etiamque ab aliis produci possunt morbis ; sentiunt quan-

quandoque aegri dolorem gravativum, sc. ob suam molem unus vel plures illum proferre possunt dolorem; talibus in aegris nonnunquam circa regionem Hepatis tumor se manifestat, qui in abscessum abit, quo rupto, una cum materie purulenta calculi exeunt; aliquando vero facculus a membrana Hepatis, in quo haerent, formatur, uti notat MORGAGNIUS *p*) de tribus feminis, quarum una non nisi de calore Hepatis conquesta fuerat.

§. X V I I I.

Ex quibus manifesto patet nullum dari signum perpetuum, neque peculiare, nec ex uno signo concludendum, adesse talia concrementa, sed monente HOFFMANNO (*q*) collective esse sumenda, et consideranda, et quoniam non omnia in omnibus adesse possunt, pleraque saltem, et in his praecipue, quae crebrius solent animadverti, v. g. cum in ductum descendunt calculi, plerumque dolor in latere dextro, Icterus, nausea, vomitus, anxietas recidiva, sunt attendenda: potest tamen subesse deceptio, uti constat ex HOFFMANNI ante citata observatione, ubi sc. eadem symptomata ab amurca bilis orta fuere; signum tamen certissimum est ipsa calculorum excretio, ideo, quando priora adsunt signa, excrementa diligenter sunt eluenda, vel per cribrum, uti VALLISNIERIUS monet, trajicienda, ut, si parvi inessent calculi, invenirentur; sed et caute hic procedendum, ne intestinalis calculus pro biliario salutetur: hisce absolutis, transeo ad effectus, quos hi calculi in C. H. producant.

(*p*) De Sedib. et Caus. Morbor. L. 3. Ep. 37. art. 13.

(*q*) ib. obs. 156

CAPUT QUARTUM.

De effectibus.

§. I.

Habent calculi fellei cum calculis vesicae urinae commune, quod eorum facultas nociva, qua laedunt, mere sit mechanica, effectusque, quos producunt, admodum manifesti sint; moles nimirum, pondus, durities, distendit, premit vicinas partes, gravat, comprimit, canales obstruit; impeditur ergo excretio, etc: motu, allisione, frictione atterunt, irritantque solida tenera, alliciunt humores, distendunt, lacerantque vasa; oritur ita dolor, calor, inflammatio, suppuratio, gangraena etc: tali modo calculi fellei, imprimis qui per ductus transeunt, agentes, omnia producunt symptomata; nam distendendo ductus irritantur et vellicantur nervi, qui, alios in consensum trahendo, varios et quidem praeavos effectus producunt: afficiuntur nimirum nervus intercostalis, ut et par vagum, mirum in modum conjuncti, plurimisque visceribus ramos suppeditantes; oriuntur ergo ab affecto ventriculo aliisque visceribus nausea, vomitus, cardialgia, dyspnoea, anxietas, inquietudo: cumque a male affecto ventriculo saepissime videmus cerebrum affectum (mirus vero inter haec duo consensus datur) etiam hoc in casu cerebrum in consensum trahitur; oriuntur ergo syncope, convulsiones Epilepticae, constrictionesque spasmodicae, unde urina pallida, sique cum toto corpore communicatur ista constrictio febris accenditur; sequiturque quandoque icterus a bile retenta, quae omnia symptomata aliquando mitigantur, quando excernitur calculus: si in vesicula et Hepate sedem habent, saepe per longum tempus, imo per totam vitam absque ulla noxa circumgerunt aegri calculos: effectus vero, quos illi producunt, sunt multo diuturniores, saepe vel recidivi, vel chronici; nonnunquam adeo vehementes, ut totam oeconomiam actionum vitalium et animalium in corpore universo perturbent, quando sc. tunicas vesiculae vellicant, vel distendunt sua mole, vel ejus col-

collum obturant, ita ut mirum in modum a bile distendatur vesicula: quando nimis magni sunt, quam ut eliminari possint, et aeger satis diu vivit, ut suos effectus producere valeant, tunc cacochymia, icterus chronicus, tabes, et hydrops incurabilis producuntur: haec omnia tempore oriuntur, pro ut bilis vel retinetur, vel depravatur: si impediunt, quominus bilis ad intestina deferatur, tota digestio perturbatur, neque bonus chylus, nec debita ingestorum subactio fit; oriuntur ergo flatus, borborygmi, et tensiones hypochondrii; accedit alvus tarda cum excrementis albis, sanguis depravatur ob defectum boni chyli, etiam retenta bilis regurgitat intra massam sanguinis, unde magis et magis sanguis vitiatur, sique hoc diu durat, cachexia ictERICA producitur; dissolvitur sanguis, et amittit suum colorem, qualem casum profert HOFFMANNUS (s) ex ZWINGERO, qui in ictERICIS quandoque ne guttulam quidem unicam sanguinis rubicundi deprehendit, sed erat coloris flavi, ut urina jumentorum.

§. I I.

Aliquando vero accidit, ut bili viam non intercludant calculi, vel tantum pro parte; quod videtur locum habere talibus in aegris, qui, licet ejusmodi calculos habeant, tamen satis bona de reliquo gaudeant sanitate, in iis vel ductus non est obturatus, vel tantum pro parte, ita ut adhuc aliqua bilis pars in intestinum effundatur, vel bilis hepatica a Natura acrior reddita est, ut cysticae bilis vices suppleret; iis in casibus nullus Icterus, vel tantum levis adest: dicit tamen BIANCHI (t), aegros, calculo hepatico aut cystico laborantes, semper perfusos esse habitu ictERICO; cui dicto maxime contrariantur observationes Cl. Virorum, ut SCULTETI, WEPFERI, BONETI, MORGAGNI, HALLERI, VAN DOEVEREN, aliorumque, qui aegros, calculis biliariis laborantes, saepius tractarunt, in quibus nullum morbi regii signum apparuit: requiritur autem ad producendum Icterum, ut tali loco haereant, ubi viam bilis intercludunt; cum nunc saepius extra illas vias inveniantur, sequitur nullo modo morbum istum oriri

po-

(s) Id. p. 4. p. 353.

(t) Ib. p. 482.

potuisse : et licet talibus in locis haeserint calculi, nequaquam Icterum productum fuisse leguntur casus, quando nimirum bilis suam crasin atque colorem amiserit ; in tali casu nunquam Icterus nasci potest, licet calculus collum vesicae ejusque ductum obstrueret, vel quando Natura singularem formavit ductum, per quem bilis libere ad intestinum deferri potest ; talis legitur observatio apud BARTHOLINUM (u) : inducunt tamen calculi saepe Icterum, cum collum vesicae occludunt, vel ad ductus transgrediuntur, praecedentibus casibus non locum habentibus : Icteros vero recidivos saepe produciunt calculi, qui in vesicula latent, atterendo sc. tunicam vesicae internam irritant nervos, qui, alios in consensum trahendo, ductus constrictionem afferunt, etiam constrictione ipsius vesiculae calculus protruditur ad collum, impeditque bilis excretionem, etiam motu inordinato collo infigitur, bile interim ob impeditum egressum intra sanguinem regurgitante ; si talis calculus subito e sede illa excidit, vel per ductus ad intestina deferatur, tunc Icterus iterum evanescit, si vero obturatio continua adest, etiam continuus est Icterus.

§. III.

Si calculus tunicas vesicae atterit, sive sua asperitate, sive alio modo, sive distendit, tunc oriuntur dolores continui, aliquando acutissimi, etiam molestissimi praeque effectus, irritatione sc. nervorum ; quo magis autem irritantur nervi, eo graviora erunt symptomata : tales aegros videmus saepe vexatos continua nausea, aliquando vomitu, in aliis adest dolor atrocissimus colicus vel ischiadicus, uti HOFFMANNUS (v) notat : vel et dolores continui, quales ante adduxi, nimirum dolor referens morsum viperae, vel dolor ardens ac si prunas ardentes in corpore alerent : hocce attritu non modo nervi laeduntur, verum inflammatio ipsius vesiculae producitur, quae vel in suppurationem, vel gangraenam tendit ; quod accidisse videtur in casu FERNELII, qui in cadavere feminis invenit calculum ingentem, sed neque bilis, neque vesicula aderat : etiam ulcera, et excrescentiae, quales MORGAGNUS (w) vidit, etiam

(u) Observ. Cent. 2. Hist. 54. art. 43.

(v) T. 3. p. 157.

(w) Ep. An. 1.

tunicarum vesiculae incrassamentum, quod saepius in vesica urinaria videmus, unde certe tota vesiculae felleae actio perit; sic Cl. LUDWIG allegat exemplum, ubi tunicae vesicae felleae quartam pollicis partem crassitie aequabant, & tam durae, ut aegerrime discindi possent: figura etiam eorum angulosa, superficieque asperiori, si incrementum calculi, vel continuo attritu vesiculae rupturam adferre possunt; qualem casum habet BONETUS in sepulchreto anat: (x).

§. I V.

Inter horum calculorum sequelas Cl. BIANCHI (y) mortem subitanam enumerat, affertque tres observationes hominum, subitanea morte extinctorum, in quorum vesicula fellea calculi inveniebantur: primus correptus fuerat febre tertiana simplici intermittente, cui apoplexia supervenerat; alter mortuus erat ileo; tertius in vigore aetatis morbo quodam gravissimo exinopinato correptus intra paucos dies extinctus fuit: verum quia calculi in istis cadaveribus reperti sunt, an ideo iis causa morborum illorum attribuenda est, ac si hi morbi per se non sufficerent mortem talem inducere? accedit etiam, quod in cadaveribus, morte subitanea extinctis, saepe nulla manifesta causa reperiatur: vix quoque concipi potest, quomodo calculi, in vesicula latitantes, causam mortis subitaneae sistere possint absque alio praegresso morbo, nisi forte fortuna crepitaret vesicula, quod et ab alia causa dependere potest, uti docet observatio Cl. J. V. MEEKEREN (z): ubi rupta erat vesicula ab intussusceptione ductus cystici: si autem calculi alium morbum, qui subito lethalis est, producerent v. g. inflammationem, quae in gangraenam terminatur, talis mors non magis subitanea dici meretur, quam si quis pleuritide, passione iliaca etc., e medio tollatur: casus, quem habet BAGLIVIVS (a), magis ad sententiam BIANCHI accedere videtur; nimirum homo diu calculis biliariis vexatus subito apoplectice moritur, cadavere aperto inveniuntur vasa cerebri rupta, ut et calculi biliares in vesicula fellea; verum si totius mor-

(x) L. 3. f. 14. obs. 5.

(y) l. c. p. 482.

(z) Obs. C. 43.

(a) lb. p. 433.

morbi historia inspiciatur, videtur nihil ponderis sententiae **BIANCHI** addere, nam jam per aliquot annos facie nonnihil pallido citrinus fuit ille homo, praecipue in albo oculorum; adfuit ergo icterus continuus, licet levis, unde sanguis vitiatum, acerque factus, erodere potuit vasa, atque eo modo apoplexiam producere; talem acrimoniam saepe in icteris chronicis invenimus, unde haemorrhagiae, sed sanguis pedetentim fit acer, atque ita calculus felleus nullam fere convenientiam habet cum morte subitanea, nisi morbo alio intercedente; mortemque talem etiam videmus in morbis chronicis: praedisponere quoque possunt calculi ad mortes subitaneas, accedentibus aliis morbis, nimirum ob defectum bilis, vel ejus regurgitationem intra sanguinem, oritur cachexia, quae producit effusiones, et stagnationes materiae serosae, unde hydropis variae species, tali effusione intra caput facta, oritur apoplexia dicta frigida; sicque producit mortem subitanam: praeterea homines calculis laborantes, aequae ac alii omnibus aliis morbis, unde subito moriuntur, praedispositi esse possunt; si post mortem in tali homine invenirentur calculi, an iis causa mortis adscribenda est, quia nulla alia apparet? difficile certe est in morbo complicato veram mortis causam detegere.

§. V.

SCHULTETUS (b) calculos felleos ut causam canceri uteri et intestini coli accusat; dicens, naturam bilem quotidie genitam ad uterum deposuisse, quia vesicula non comprehendere posset, nam calculus erat tantus, ut distenderet vesiculam, et in altero casu ductus choledochus a calculo obstructus erat; verum vix intelligi potest nexus inter calculum felleum et cancerum, nisi quod bilis regurgitata sanguini acrimoniam talem, qua cancerum producere valet, conciliaverit: potuit etiam fuisse accidentalis cancer: sed his calculis nimium attribuere quidam auctores, alii e contra fere nihil, nisi ubi cum ictero in corpore inveniebantur: vidimus tamen saepe producere morbos chronicos, imo incurabiles, quales sunt cachexia icterica, hydrops, icterus

(b) I. c. obs. 61.

rus chronicus etc.: aliquando et producunt febrem, inflammationem, quae saepe abit in abscessum Hepatis, si ibi haesit inflammatio; verum hi omnes morbi sunt accidentales, quia in plurimis aegris non observantur, vel ab alia causa oriri possunt: observatur quoque, quod, quando aegri hydrope moriuntur, Hepar pro magna parte affectum habeant, nec raro alia viscera; ex quibus colligi potest, calculos, si mortem inducunt, eam afferre tardam, non vero subitanam, nisi interventu morbi alius: afferit quoque Cl. COE nunquam afferre hydropem antequam Hepar affectum est, additque, calculos et Hepar scirrosus et hydropem afferre posse, cum tamen in cadavere tali non inveniuntur; quando sc. ante mortem excreti fuere: hoc affirmat casu, qui ipse expertus fuit; nimirum in cadavere hydropico feminae nullos invenit calculos, licet convictus fuerit omnibus symptomatibus, quae per aliquot tempus adfuerant, illam calculis laborasse; anno enim ante mortem laboraverat Ictero perpetuo; sed tunc dolores erant minores, ita ut calculus videatur suam sedem mutasse, talique loco haesisse, ubi minorem dolorem cieret; erat Hepar totum affectum, et ascitide laboraverat, exstincta vero fuerat haemorrhagia narium.

Si jam tales effectus in corpore produxerint calculi, nihil boni ab expulsione calculorum expectandum est, et quoniam hi effectus plerumque a magnis oriuntur, melius est plures parvos habere, quam unum magnum, nam facilius eliminari possunt. Ex quibus ergo patet, quam dira mala saepe excitent, atque ideo non minorem, quam urinarii calculi, mereantur attentionem.

CAPUT QUINTUM.

De Curatione.

§. I.

Hisce omnibus, quae ad Generationem, Diagnosin, ut et Prognosin spectant, expositis, sequitur, ut nunc proponamus horum calculorum curam, quae hic duplex est, vel in ipso paroxysmo, vel extra illum: in paroxysmo indicatio est, ut ductus laxentur, calculi expulsio promoveatur, et symptomata mitigentur: extra paroxysmum curatio eo dirigenda est, ut, si expelli non possint calculi, per convenientia remedia solvantur, si possibile est; ut causae, quae calculorum genesin producant, tollantur; et tandem ut corpus roboretur.

§. I I.

In Paroxysmo curationem absolunt V. S., quae saepe locum habet, ubi febris est valida, vel inflammatio adest, etiam in corpore plethorico, ad praecavendam inflammationem, ut et rupturam vasorum, si accederet vomitus, vel alii motus violenti; etiam convenit, ubi ingens adest dolor: satisfacit etiam laxandis viis, deplet enim vasa, et fibras laxat; datur ergo major dilatationis ductuum occasio; verum quando pulsus tardus et mollis est, et febris mitis, tunc parva institui debet V. S., vel aliquando nulla.

§. I I I.

Vomitorium: si rite instituitur vomitus, optimum est remedium in expellendis calculis; verum caute hic est procedendum, quia valde incitat humorum circuitum, ideoque in quibusdam casibus valde nocere potest: emeticorum usum in ictero suspectum habet Ill. HOFFMANNUS (c); nam notat, saepe summe perniciose deprehendi, si ori-

(c) l. c. T. 4. p. 4. C. 12. §. 10.

oritur icterus a spasmō, vel si calculus, ductui cystico inhaerescens, graviores circa praecordia effecit anxietates : notat et REVERHORSTIUS (*d*) esse anceps remedii genus, si calculus obstruit quemcumque ductum, maximi tamen esse usus in obstructionibus pertinacibus, quando aeger absque noxa ferre potest : dantur vero multa contraindicantia, quae impediunt, quominus propinari possint, v. g. ab emeticis abstinendum talibus in subjectis, qui habent pulmones vel vasa valde tenera, in herniosis, ut et feminae, passione hysterica laborantes, non ferre possunt; ideo caute cum his procedendum, si requiruntur; in morbis quoque spasmodicis minus conveniunt, sique necessario exhiberi deberent, propinanda sunt sedato spasmō : modus autem, quo agunt vomitoria, est agitare Ventriculum, Hepar, Intestina, imo totum corpus, si eorum actio valida est; hinc obstructiones leves in Hepate referant, bilem tenacem in vesicula et Hepate stagnantem violentiore motu in duodenum pellunt, simulque calculos, si sunt minores, quandoque etiam majores, per ductus motu isto excutiant, tuncque hi vel vomitu, vel per anum rejiciuntur; juvant ergo transitum calculi per ductus, uti videmus agere illa in calculis renum per ureteres propellendis : mirandum certe Ill. SWIETENIUM (*e*) non propinasse vomitoria, cum ipse fatetur vomitum esse salubre Naturae molimen, ut calculi e suo loco moveantur, et bilis accumulata expellatur; vult tamen, si a Natura excitatur vomitus, ut adjuvetur et facili-
tetur diluentibus; verum quando nimis violentus est, refrenari debet opiatis; cur ergo in quibusdam casibus non sequeremur Naturam ciedo vomitu? sed fieri debet tali in casu, ubi libere haerent calculi in ductu, quod apparet, quando per paroxysmos excitatur morbus, ubi vero symptomata diu durant, et icterus absque intermissione adest, indicium est, calculum fixum haerere intra ductum, vel vesiculam op-
pletam magno calculo, vel pluribus sibi invicem adhaerentibus; pos-
sunt ergo initio morbi maximo cum effectu dari emetica, si contra in-
dicantia non dantur, et si requiritur V. S., ea praemitti debet : inci-
piendum cum vomitoriis, nisi alvus sit valde dura, requiritur tunc pur-
gans, vel clyσμα, etiam quando aegri a vomitu spontaneo valde defati-
gati

(*d*) Ib. §. 66.(*e*) Comment. T. 3. p. 136.

gati sunt, conveniunt opiata, ut spasmus sedetur, et vires refocillentur; haec et conveniunt post vomitorium datum, imo maximi usus sunt opiata ad dolores compescendos: Cl. COE praescribit cautam emeticorum repetitionem per quinque vel octo dies, imprimis quando calculi sequuntur, sed quando post quartum, vel quintum vomitum calculi non amplius redduntur, tunc ab iis abstinendum, saltem pro tempore, suadet; atque tunc adhibet alia remedia, quae melius viam praeparant ad faciliorem calculorum expulsionem; propinat etiam emetica, ut nova calculorum generatio praecaveatur, sc. omni mense vel binis, vel et omni anno; eliminantur eorum exhibitione bilis faeces, in vesicula vel ductibus haerentes, qua tollitur occasio concrefcendi, vel, si jam nati sunt calculi, melius expelluntur, quia minores sunt; etiam vult vomitoria adhiberi fortiora, ut inertia fibrarum ventriculi vincatur, et melius materies viscida expellatur; incipiendum tamen a dosi mediocri; quae augeri potest: ut expulsio promoveatur, et alvus, quae saepissime dura est ob bilis defectum, ducatur, praemittit etiam clyfma.

§. I V.

Purgantia maximam laudem in hoc morbo acquisiverunt ad expellendos calculos, cum viderent post assumptum purgans simul cum faecibus calculos rejectos; non negandum ad expulsionem purgantia aequae valere ac emetica, imprimis si libere haerent calculi in ductibus, cum suo stimulo fortiori non solum intestina, verum et vicinas partes commovent, atque ideo vices emeticorum supplere possunt, quando haec non conveniunt; verum pluribus in casibus vires expellendi iis attribuerunt, cum minime iis competerent; quando sc. calculi jam in intestina delapsi erant, vel in orificio ductus communis haerent, ut facile inde expelli possent: tali modo explicari posse videtur casus Cl. BIANCHI (f); matrona nimirum, Ictero forti periodico saepe vexata, ab usu catartici cujusdam fortioris calculum, magnitudinis juglandis, et forma triangulari, per alvum excrevit; a quo tempore non iterum icte-

(f) l. c. p. 189.

ictero correpta fuit : videtur hoc in casu calculus jam pervenisse in ductus orificium , ut , stimulo quodam adjutus , facile in intestinum delabi posset ; nam vix credendum , calculum talis magnitudinis intra illud tempus ductum adeo dilataffe , ut transire posset ; huc et referri meretur casus Doct. FREWEYN , ubi a purgante plures calculi eliminabantur ; suspicio certe adest , jam in intestinis haesisse calculos ; nam dolores passus fuerat aeger , antequam doctorem illum consuluit , qui dolores etiam cessaverant : conveniunt purgantia post datum vomitorium , ut , si calculi in intestina delati essent , expellerentur ; verum quando emetica etiam alvum solvunt , tunc inter vomitorium et purgans dies intercedere debet : aliquando videmus calculos , in intestina delapsos , excitare diarrhaeam , quae et a bile retenta , nuncque magna copia affluente , excitari potest , tuncque calculi simul expelluntur. Cl. COE propinat calomelam , si dispositio fert , purgantibus mixtam , forma pilularum , vel boli ; saepe etiam dat calomelam vesperi , cum sequenti mane propinat purgans , v. g. tincturam Rhei , vel infusum Sennae cum Manna , etiam Mannam cum salibus , vel oleum Amygdalarum dulcium , ut leniantur intestina , faecesque , ob defectum bilis induratae , emolliantur ; si fortiora requiruntur purgantia , addit rad. Jalap-pae ; saepe et conveniunt Aquae minerales purgantes , si ferre possunt aegri , vel solae , vel cum purgantibus mixtae : purgantia quoque tempore intermedio , quando non ex professo adhibentur , propinat ; sed tunc leniora , quae et alia acuunt , et vim alterantem habent , conveniunt ; uti praeparata salis Tartari solubilia : commendatur etiam Aqua marina a Doct. FREWEYN , LEWIS etc. (g).

§. V.

Clysteres etiam in paroxysmo convenire dicit Cl. WOODWARD , sed hic eos omnibus in morbis adhibet , propinat oleum pridie et semihora post assumtum purgans ; convenire possunt clysmata ad purgantia adjuvanda , etiam quando purgans non datur , vel non exhiberi potest : conveniunt etiam ad lubricandas et relaxandas vias , ut et dolores

(g) Epist. ad Russel quae exstat in hujus Dissert. de aquae marinae usu.

lores quodammodo mitigandos, ideo maximi usus sunt in Nephritide calculosa: debent ergo esse emollientia, et diluentia: huc et referri merentur Fomentationes, Cataplasmata ex herbis emollientibus, Balneaque tepida; hisce enim partes et fibrae quam maxime relaxantur, faciliorque per ductus transgressus calculis praebetur, quibus si clysmata adjunguntur, major successus est expectandus: Cl RAST. (b) post diluentium, emollientium, et eccoproticorum longum usum balnea domestica, saepe repetita, dicit convenire; dein vult, ut aeger in ipso balneo bibat catarticum, ut calculus eo foras eliminetur, qua methodo multos sanavit: haec omnia etiam agunt dolores sedando, ideo ab Ill. HOFFMANNO enumerantur inter ea, quae dolores, a spasmis obortos, leniunt: huic scopo et satisfaciunt diluentia intus assumpta, ut serum lactis, emulsiones ex seminibus quatuor frigidis, etiam infusa, vel decocta ex herbis emollientibus etc.

§. V I.

Verum ad spasmos sedandos optime agunt anodyna, ut sp. Nitrū dulcis, liquor anod. min. Hoffm., extractum croci, extr. papav. rhaeados, et similia; optimum tamen et subitissimum levamen ex Opio, ejusque praeparatis, expectandum est in vomitu, et doloribus vehementioribus, ut et in spasmis minuendis, et viribus resuscitandis: optimum est propinare Laudanum purum. tum quia volumine in ventriculo non nocet, tum quia melius retinetur: incipiendum a minori dosi, ut gr. ss, quia facile augeri potest, atque etiam videre possumus, an ab aegro impune feratur, cautissime enim cum eo agendum.

§. V I I.

Cura vero, quae extra paroxysmum instituenda venit, in eo consistit, ut causa funditus evellatur, quod obtinetur solutione calculorum, dispositionem ad calculorum genesin avertendo, ut et habitum corporis corrigendo.

§. V I I I.

(b) Vid. de Sauvages Nosol. Method. T. 3. p. 1. p. 155.

§. V I I I.

Nulla remedia, calculum solventia, dari veteres jam annotarunt, atque ideo hunc morbum, et icterum inde natum plerumque pro insanabili pronunciarunt, uti BAGLIVIVS; etiam ETMULLERUS, qui dicit: *raro, si unquam, sanari talem icterum, cum non profest alterantia*; per quae intelligit talia, quae calculum solvunt: SYLVIVS (i) loquitur de curatione, ut re inaudita multis medicis; indicat tamen adhibenda esse resolventia, ut sp. Nitri, succum graminis: commendata tamen sunt multa medicamenta ut specifica in hoc morbo: verum hodie constat, talia specifica plurimis in casibus esse vana; potuerunt nomen istud acquisivisse, quod eo tempore fuere adhibita, quo hi calculi sponte a Natura excernebantur, uti hoc saepe videmus fieri; adscripserunt ergo, videntes omnium symptomatum remissionem, ut et icteri inde nati curationem, suis remediis vim morbum talem sanandi; cum interea idem contigisset, si ea remedia non adhibita fuissent: de iis remediis Lithontripticis BIANCHI notat, quod, licet quaedam ab auctoribus decantentur, tuta tamen huc usque nulla sint reperia; quod et testatur SWIETENIVS (k) sequentibus verbis: *multa tentavi, ut invenirem menstruum, quod solveret haec concreta calculosa, simulque tuto et integris viribus pervenire posset ad illa loca, sed nondum fui tam felix, ut tale quid detegere potuerim*: et revera si inspiciamus, quantae diversitates horum calculorum ratione consistentiae dentur, spes fere nulla est, unquam tale specificum inventum iri, quod in omni calculo prodest: vidimus quidem ante, varia menstrua in calculos agere, verum etiam diversissimam eorum in varios esse actionem; plurima tamen quid extrahere, non vero solvere calculorum substantiam; vidimus etiam alios requirere menstruum acidum, alios alcalinum, quae sibi plane opposita sunt; si nunc latent calculi in corpore, incerti sumus, quodnam menstruum conveniret.

§. IX.

(i) Pr. Med. L. 1. C. 45. §. 12.

(k) Comm. T. 3. p. 134.

§. IX.

Videamus nunc remedia praecipua alterantia, ab auctoribus decantata: inter haec enumerantur remedia Hepatica dicta, quae ob flavum colorem maximi usus in morbis hepaticis esse credebantur: inter haec radicem curcumae quam maxime eminere dicit HOFFMANNUS in clave Schroderiana, ad 3ß exhibitam; notatque dolorem vehementem sedare: BIANCHI adhibet vel solitariam, vel martialibus, aliisque potentioribus aperitivis maritatum, uti herbis recentibus aperientibus, ut et rubiae tinctorum, chelidonio etc.; additque innumera alia; verum nondum constat agere in calculos; habent quidem vim solvendi et attenuandi partes viscidas in primis viis, uti et in sanguine, sicque liberiores producunt circulationem; forte et talem calculum, qui ex pluribus parvis compositus est, dissolvere possunt, eoque modo excretionem calculorum e vesicula per ductus facilitare; ut et resolvere bilem viscidam tenacem, obstructionem ductuum producentem, qualem bilem antea vidimus eadem mala, ac ipsos calculos produxisse: tali in casu maximi usus esse, et curationem afferre posse, facile concipitur: hocce in sua praxi Ill. SWIETENIUS saepe expertus fuit de usu succi graminis, taraxaci, similiumque, requirebatur vero largus et continuus eorum usus; vidit nimirum minuta, quasi fragmenta calculorum, cum faecibus exiisse; addit vero, se non certum fuisse, quod forent calculorum comminutorum partes, quia talia fragmenta, imo sabulum in Hepate, et vesicula fellea saepe inveniuntur; concluditque falso aliquem credere, quod vi remediorum calculi majores comminuti essent in minores tales partes: loco succi graminis etiam adhibuit serum lactis, in quo omnem graminis efficaciam residere notat; verum quotidie ad ℥ viij. ingeri debet: hiemali autem tempore exhibuit saponem magna copia, cum decocto meraco ex quinque rad. aperientibus, et aestivis temporibus aquas spadanas laudat.

Haec omnia tantum solvendo et attenuando humores viscidos agere videntur: notandum saponem non in omni sanguinis statu convenire, nam ejus vis dissolvens ingens est, atque ideo abstinendum ab eo in icte-

ictero diuturniore, ubi sanguis jam dissolutionis gradum habet; augeret ergo illam, citiusque haemorrhagias, hydropesque excitaret; verum in Ictero recenti, et in tali, ubi nulla sanguinis dissolutio adest, optimo cum successu exhiberi potest.

§. X.

Serum lactis, quod eodem modo ac herbae recentes agere videtur, habet vim abstergentem, attenuantem, et fluida corrigentem; forte et dissolventem in quibusdam calculis; huic incoqui possunt herbae recentes, ut gramen, taraxacum, cichoreum; inque ejus decocti ℥j. solvi potest salis polychresti Unc. β, etiam sapo, quibus ejus vis maxime incitatur: videntur revera hae herbae, licet non solvant ipsum calculum, multum conferre ad eorum ulterius incrementum prohibendum; quo et maxime faciunt sal absynthii, serum lactis, succus limonum, vel et praeparationes neutrae tartari, quae acrimoniam saponis corrigunt, bilis vices implent, ut et alvum laxant: similia etiam HOFFMANNUS praescribit; additque magna vi gaudere, si convenienti dosi, et longo satis tempore in usum ducuntur.

§. X I.

Rad. Pareirae bravae ad ʒij. in ℥j. aquae leviter decocta, ut potus admodum salutaris, in omni calculo, uti et in asthma humido, si tertia ejus pars singulis tribus horis cum pauxillo sacchari tepide bibitur, ab HOFFMANNO laudatur; citatque casum ex Acad. Reg. Scient. (1), ubi ea ratione Icterus, cum torminibus et ingenti dolore stipatus, intra 24 horas discussus fuit; verum non notat, an calculi adfuerint; et tantum unum casum adfert, a quo non concludi potest.

§. X I I.

Annumerat et his idem Auctor pulverem Millepedum, qui sequenti modo praeparatur: infunduntur millepedes vivi in vino, dein siccati

in

(1) Ann. 1710. p. 76.

in pulverem teruntur, hunc pulverem mistum cum salibus neutris, ut terra foliata tartari, sale polychresto etc., parca et reiracta dosi, ad obstructos Hepatis meatus expediendos, et ab omni biliosa amurca liberandos, maxime facere refert: Cl. vero COE parum virtutis ei pulveri adtribuit, quia nunquam solus datur, sed cum aliis conjunctus; nunquam eorum millepedum vim in calculis tentavit, adeoque et nihil de eorum vi resolvente affirmare, vel negare potest; monet tamen, si quis experimenta cum iis vult instituire, propinare eos debere magna dosi, et recenter tusos, vel succum eorum expressum; idem etiam de lumbricis terrestribus, qui etiam hic laudantur, notat: constat autem ista animalcula multum salis alcalini volatilis continere, atque ob eam causam, ad dissolvendos humores viscidos, aequae ac sal vol. C. C., convenire possunt: de hoc sale C. C. idem monet, quod de sapone dixit, sc. ob vim solventem non convenire in Ictero diuturniore, si adest dissolutio quaedam sanguinis; possunt ergo et haec animalia eo in casu praescribi, ubi sal. C. C.; notat SCHRODERUS (m) convenire in calculis, quia habitant sub saxis, et in convulsionibus, quia se contrahunt; tali modo egerunt cum medicamentis flavis, quae ob colorem, cum eo bilis convenientem, dixerunt convenire in morbis hepaticis: idem etiam Cl. COE asserit de pisce Tinca, cujus decoctum est valde gelatinosum, additque, si quid faciat ad curationem Icteri, id potius instauratione, et involutione particularum acrium sanguinis efficere, atque agere in hectica biliari, ut lac asininum in febre hectica: millepedum pulverem SCHRODERUS tantum ad ℥j. praescribit, et WILLISIUS valde circumspecte in Ictero exhibet ob eorum salis vim solventem; verum haec vis non adeo magna est, ac illi auctores crediderunt: idem censendum de Pediculis, et Lumbricis terrestribus, qui adeo in usu fuere, ut in quibusdam Pharmacopaeis esset aqua lumbricorum magistralis: GALENUS jam mentionem fecit de lumbricis in curatione Icteri, eosque vult adhiberi contusos cum aqua et melle, additque, si alvum deponit aeger curatum esse; etiam notat, lumbricos cum vino frangere calculos vesicae, quibus certe hodie parum confidimus: agit et ibidem HOFFMANNUS (n) de cura

(m) Pharm. Med. Chym. L. 5. p. 338.

(n) Ib. p. 2. p. 272.

AVICENNAE in Ictero chronico, magni semper habita a veteribus ; quam et in iis vitiis, quae in meatuum biliariorum obstructione, et bilis, ad concoctionem ciborum necessariae, praepedito fluxu consistunt, locum habere haud dubitat. Vetusissimus ille Auctor lumbricos ficcatos, cum vino albo et saccharo ad gratum saporem sumtos, plurimum laudat ; vel et horum pulverem cum syrupo de Bylantiis in pilularem formam redegit, et crebrius vesperi propinavit, postridie superbibendo serum caprillum, ex lacte a capris, herbis prius aperientibus, ut foeniculo, apio, petroselino etc. nutritis, desumto, relictæ ejus substantia caseosa, paratum.

§. X I I I.

Aquae minerales valde extolluntur in Ictero chronico ; sic jam vidimus, eas Ill. SWIETENIUM suis aegris propinasse : suntque Spadana, Pyrmontana etc. ; Ill. HOFFMANNUS (o) de his dicit, quando omnia praecedentia inaniter, et incassum adhibita sunt, tandem ultimo spem esse sanitatem recuperandi in aquis medicatis naturalibus tam thermalibus, quam sic dictis acidulis : commendat thermas Carolinas et Aquisgranenses ; acidulas Egranas, Pyrmontanas, ob magnam et efficacem virtutem persanandi rebelles chronicas Hepatis obstructi passiones, additque externe et interne debito regimine adhiberi : mirabiliter certe hae aquae agunt ad sanguinem corrigendum, dissolvendos humores viscidos, et obstructions referandos, imo ad corroborandum totum corpus ; quibus viribus, si non calculum solvere possunt, impedire saltem ulteriorem corporis ad calculos formandos dispositionem plurimum valent.

§. X I V.

Cortex Peruvianus, praestantissimum illud remedium, hoc in morbo magnis laudibus a Cl. Viris extollitur : sic Cl. Al. CAMERARIUS tantopere commendat ad coercendam secernendae bilis crasin, ut secreta neque concrecendo in calculos apta sit, neque turgescat nimis

at-

(o) Ib. p. 273.

atque attenuetur ; ad roborandum tum fecernentis visceris , tum ductuum ipsorum , spasmis et expansione debilitatorum , tonum ; ad subigendam , quae circulantibus humoribus vasculisque alienis intrusa , bilem ; ad reddendum vasis non biliariis alieno pondere , liquorisque peregrini impetu dejectis , robur ; et ad digestionem excretionemque in ordinem redigendas , atque ita ad multiplices in Ictero calculoso vel non calculoso indicationes aptum omnino censeretur debet. Testatur quoque Cl. SCHULTZIUS in Diff. de Ictero se ab expertis et fide dignissimis Viris cognovisse , quod omnino bene se haec CAMERARIi medicatio gerat ; notat et Cl. WERLHOVIUS in Diff. Epist. de Aurigine , ipsam calculi decidui , tanquam frequentissimae Icteri causae , ideam huic medicamini rite usurpato haud obesse videri iis , qui propulsionem per fibras tono dejectas tonicis remediis promoveri consideraverunt , praesertim cum , quid polleat haec tonica bilis vitiorum antidotus in biliariis ductibus aperiendis , iustaque ejus humoris crassi justo fluore promovendo , aliunde constet , ut et genesis calculorum felleorum , saepe subitanam , mature data praepedire , et conjunctas , analogas , succedaneas aegritudines biliosas tollere , et multis bilis periculis molestiisque , ictericis vel non ictericis , avertendis haud immerito videatur.

Memoranda quoque sunt ea , quae habet Cl. C. RICHA in libro de constitutionibus epidemicis Taurinensibus ann. 1722 , ubi in variis emortuorum cadaveribus calculi fellei reperti sunt , ubi nullum remedium , nisi Cort. Per. , mature et iuste adhibitus , pericula multiplicia acuta et chronica avertere potuit ; notat Cl. ille Auctor totum , quod metuendum erat , maxime a crassitie ac inertia succorum et bilis potissimum pendere , cujus haud obscura indicia petere erat ab ipsis excretis.

Subjungit tandem Cl. WERLHOVIUS : „ patet vero ex ipsa illa de lapillis in vesicula fellea ex vitio febrium , cortice mature dato , unice certo sanabilium , genitis , is , quem supra laudavimus , ejus remedii usus , in icteri etiam ab ejusmodi causa , ejusque saepe , iterum iterumque progenitis calculis , recidivi curatione ; uti ex reliquis , quae haecenus proposui , constare satis videtur , quam acquiter rectum , corticis

ticis usum cum Cl. Viris ALEX. et ELIA CAMERARIIS et LANZONO in supra laudata Camerariana dissertatione excitatis, a febre ad icterum pro re nata extendendum judicemus: tempora vero morbi atque indicationes prohibitionesque rite discriminare oportet: non ipsos spasmodorum acutorum praesentes paroxysmos, non continentes, inflammantes, aliasque alienas febres, non obstructions labesque vi remedii superiores, scirros, abscessus, et similia, quae in febribus etiam intermittentibus corticis usum prohibere solent, sed ea auriginum genera, tempora, circumstantias, ubi nihil contraindicat, cum laudatis Viris speramus, atque experti novimus, ab hoc remedio rite et prudenter usurpato, praemissis, conjunctis, postpositis pro indicatione, aliis, tantum opis evidenter saepe nancisci, quantum ab aliis exspectare vix liceat. Casus vero, in quibus ab hoc remedio abstinendum, quid in usu ejus cavendum, et quomodo abusus sit evitandus ostendit in *observ. de febribus, et in Cautionibus Medicis de limitandis laudibus et vituperiis morborum et remediorum*, quae et ad hujus morbi curationem facile applicari posse notat.

§. X V.

Commendarunt etiam Mercurium, ejusque praeparata, qui eatenus etiam convenire potest, quatenus dissolvit humores tenaces, referatque obstructions: propinavit eo scopo Cl. COE Merc. vivum ad gr. vj et Calomelam cum purgantibus: laudatur etiam Aethiops Mineralis, ut optimum deobstruens, quem tamen Ill. BOERHAVIUS dicit, tantum agere in primas vias, nec vasa lactea intrare, quod ab aliis tamen non affirmatur Auctoribus, qui laudes hujus praeparati Mercurialis valde extollunt; dantur autem alii, qui nullam fere efficaciam habere dicunt: quicquid sit, laudatur a Cl. COTUNNIO in egregio libello de sede variolarum, qui optimos in variolis effectus inde vidit; ut et a Doct. v. D. BOSCH in libello de cura praeservatoria variolarum: HOFFMANNUS vero Mercurialium usum condemnat metu salivationis, quam in quibusdam constitutionibus, licet minima detur dosi, Mercurialia excitant; ideo caute cum his procedendum, imprimis in ictero diuturno,

nam vim maximam humores dissolvendi possident, atque sic haemorrhagiae hydropesque nascerentur; verum in ictero recenti, vel ubi nondum dissolutionis gradus locum habet, optime convenit Calomela cum purgantibus juncta, ut viscidos in primis viis dissolvat humores: Mercurium Alcalisatum exhibet Cl. FREWEYN.

§. X V I.

Commendarunt et Gummi, qui revera magna vi solvente et attenuante gaudent, imprimis Gummi Ammoniacum, etiam Myrrha, et alia, quibus addi potest sapo, ut vires eorum increcant: cum his conjungi possunt Julapium ex sale absynthii et succo limonum, cui quid salis C. C. additur; vel infusa amara, cum vel sine elixirio Vitrioli pro re nata: adhiberi quoque potest Balsamus Copaibae, qui a quibusdam virtute penetrante, aperiente, detergente, in obstructionibus Hepatis, Pulmonum, Renum etc. dicitur gaudere; sic FULLERUS (p) vidit calculos biliares rejectos ab assumptione Mixturae balsamicae Nephriticae, quam ille balsamus magna satis dosi ingreditur: aeger nimirum, doloribus nephriticis et colicis horrendis excruciat, incidit in motus convulsivos omnium membrorum, adhibitis illius mixturae pluribus cochlearibus, ejecit magnam urinae cum sabulo arenoso copiam, simulque per anum varios lapillos; verum hinc non concludere possumus, expulsos fuisse illos calculos ab adhibita mixtura; potuerunt jam ii calculi per istos motus spasticos propelli per choledochum ductum ad intestinum, antequam quid efficere potuit illa mixtura; etiam ab uno casu non concludi potest.

§. X V I I.

Exstat in collectione periodica observationum ad artem salutarem (q) singularis curationis observatio, ab Auctore VARNIER communicata; sc. ab usu infusionis Salviae, nec non lavatione urinae

(p) Pharm. extemp. p. 179. (q) T. 3. p. 5. vid. Comm. de reb. in Medic. et Re Nat. gestis T. 7. p. 195.

calidae et recentis, nonnulli aegri a calculis felleis liberati sunt: forsan et curatio haec fuit accidentalis, vel usu illius infusi, et lavatione cum urina calida partes laxatae fuere, ita ut facilius transire possent, vix enim credendum, haec remedia quid specifici habere ad calculos vel solvendo vel expellendo.

§. X V I I I.

Sub continuo horum remediorum usu requiritur quam maxime corporis exercitatio, non solum ad calculorum expulsionem promovendam, verum etiam ad ulteriorem concretionem praecavendam; haec enim leniter concutiuntur viscera, chylicatio, sanguificatio, circulatio, et secretiones iis promoventur, corpusque roboratur: commendat etiam *SWIETENIUS* motum, ut Medicamenta melius agerent, v. g. Equitationem, vectionem in rheda, deambulationes; suadet praeterea, ut saepius vola manus hypochondrium dextrum eo loco, ubi vesiculae fundus haeret, concutiatur; eo sc. scopo, ut fragmenta calculosa, si in vesicula haerent, una cum bile eliminarentur, additque forte motus tempore vernali in bobus multum facere ad ista concretamenta expellenda. Ill. *SYDENHAMUS* equitationem maxime commendat in morbis chronicis; vectio in rheda imprimis per plateas convenit, verum in hac medium est tenendum, alias enim plus noceret, quam proderet; idem de motibus vehementioribus sentiendum: optime tamen conducunt motus, quando calculi parvi sunt, ut cum bile facile eliminari possint: si vero majores sunt, et sub motu in ductum pelluntur, excitant symptomata enumerata, quod cognoscitur, si paroxysmus post motum invadit: etiam exercitatione calculi, in unam massam concreti, solvi possunt, sicque facilius expelli: laudatur etiam exercitatio et frictio, ut calculi, inter se mutuo affricti, minuerentur, vel saltem eorum incrementum impediatur. Tempus modus et gradus motus varia esse debent pro vario aegri statu et circumstantiis, nam in paroxysmo non institui potest; convenit autem, ubi aeger minus cruciatur: in temperamento Phlegmatico maximi usus est motus; in Sanguineo vero et Cholerico caute procedendum; nam inflammatio et gangraena sequi possunt; quando autem bonum successe-

sum inde videmus, continuandus; ubi vero nimis magnus est calculus, quam ut excerni queat, et potius dolores aggravat exercitatio, nec nihil commodi affert, tunc ab illa desistendum: multi dantur casus, in quibus maximi usus fuit exercitatio, sic Cl. MUSGRAVE (r) notat de calculo biliari magno, ab homine in rheda iter faciente ad fontes Batheanos expulso; docent tamen etiam observationes absque exercitio magnos calculos fuisse excretos, ita ut non semper ei adscribenda sit excretio; valet imprimis ad minores expellendos: evidentioris vero utilitatis est corporis motus in praeveniendis concretionibus, et removenda dispositione novos generandi, si expulsi, quam ad expellendos, si majores sunt.

§. X I X.

Ubi autem talem acquisivere magnitudinem, ne eliminari possint, vel viae, per quas transire debent, non satis dilatabiles sint, tunc parum spei tales aegros sanandi superest; nam vidimus non dari vera lithontriptica: tali in casu unum superest remedium, quod tamen in quibusdam tantum, et quidem perpaucis casibus institui potest; est sc. Lithotomia, quam, videns vesiculam felleam tumentem, accretam peritoneo, inflammata, et suppurata, fistulas fecisse, ex quibus dilatatis ingentes calculi fuere extracti, Naturam sequens, primus proposuit Cl. PETIT (s) tanquam possibilem, et utilem; recensetque casus, ubi cum successu instituta fuit; hunc Virum et alii secuti fuerunt, inter quos Cl. VOGELIUS, qui bis instituit.

§. X X.

Operatio haec eo tantum in casu institui potest, ubi vesicula peritoneo est accreta: illa accretio producitur ab inflammatione vesiculae, uti videmus in peripneumonia et pleuritide pulmones pleurae accrescere: signa talem vesiculam accretam indicantia sunt 1) Quando, aegro

(r) Phil. Transact. p. 2. p. 194.
T. 1. p. 175.

(s) Mem. de l'Acad. Royal. de Chir.

aegro decumbente in latere sinistro cum femoribus versus abdomen flexis, tumoreque versus unum et alterum latus presso, tumor iste a puncto, ubi elevationem facit, non removeri potest. 2) Si extrema pars tumoris habet elevationem, oedema, vel ruborem: sufficit illa symptomata apparuisse in uno vel altero praecedente colici hepatici paroxysmo: ex quibus certi esse possumus, tumorem adhaerere; si vero haec signa non adfunt, minime tentanda est operatio; nam sub operatione bilis effunderetur intra abdominis cavum, unde inevitabilis mors: si vero sumus convicti de vesiculae peritoneae adhaerentia, potest operatio absque metu institui; convenit haec duobus in casibus, ubi vel a bile retenta adeo extensa est vesicula, ut ruptura sequi debeat, unde mors necessario sequitur, vel quando calculus magnus in ea continetur: in priore casu acu tricuspidi cannulato perforatur vesicula, ut bilis exitus promoveatur, eodem modo ac in urinae retentione punctio Vesicae instituitur: in posteriori vero casu primum pertunditur acu tricuspidi Vesicula, punctione facta extrahitur acus cannula remanente; effluit tunc humor in vesicula retentus, hoc cessante immittitur per cannulam specillum obtusum et flexile, longitudinis convenientis ad explorandum, an calculus adsit: percepto calculo removetur specillum, et scalpello juxta cannulam directo aperitur vesicula; immittitur tunc digitus indicatorius manus sinistrae intra cavitatem vesiculae, quo attingi debet calculus, juxtaque illum digitum tenaculum, huic operationi conveniens, adducitur, quo arripitur calculus, et extrahitur; tunc iterum digito explorari debet, an plures adsint calculi, et si adfunt eodem modo agendum est.

§. X X I.

Instituit etiam optimo cum successu Cl. v o g e l hanc operationem, describitque (t); aeger laborabat primo Ictero flavo, dein nigro cum febre acuta, sed cessante febre remanebat cachexia icterica, et ad apicem quartae costae spuriae hypochondrii dextri apparebat tumor, qui vesiculam felleam, bile extensam, et peritoneae accretam referebat;

(t) Obs. et Disquis. Anat. Chir. Med. p. 155.

re accurate perspecta, incidit integumenta, ut et peritoneum cum vesicula; effluebat bilis corrupta, et, specillo immisso, detegebat calculum; orificium ductus cystici obstruentem, quem forcipe tenui extrahebat, sicque liberum bili transitum reddebat; aegerque in pristinam sanitatem restitutus est consolidato vulnere.

Altera ejus observatio existat in Promptuario Hamburgensi (u); erat vir mediae aetatis, validus et robustus, qui post febrem suppressam laboraverat Ictero, a quo liberatus, iterum in eum incidit cum febre acuta et delirio; verum his mitigatis supererant color lividus, pulsus debilis, ut et tumor in hypochondrio dextro, in dies auctus, fluctuans, verum mutato situ persistens, salutavit ideo pro vesicula fellea, bile extensa, et peritoneo accreta; quod et eventus docuit: cogitavit ergo de operatione; dedit autem die, antequam institueret, mixturam temperantem, ut et clysmata ad abstergenda intestina; instituturus sectionem posuit aegrum in tabula, et pulvinar aliquod dorso medio subiecit, ut tumor elevaretur, sicque facilius institui posset operatio; cute dein parum adducta, eam ad musculos incidit; hisce cito separatis, obtulit sese peritoneum a tumore liberum, tunc lanceolae ope incisionem, circiter digitum transversum longam, fecit in intumescentem adnatamque peritoneo vesiculam, ex qua mox effluxit multum bilis corruptae, viscidae, et granulosa; argentei specilli ope calculum in ductu cholecho adhaerentem detexit Auctor; intromisso tamen tenaculo haud difficile extraxit; exploratione ulterius instituta plures non invenit, et,educta materia biliosa, deligavit vulnus ut simplex aliud emplastris et fomento ex vino rubro, myrrha, et oleo cocto, superimposito sextuplo splenio, ligavit fasciis convenientibus, aegerque intra quatuor hebdomadas perfecte sanatus est. Agit quoque de hac operatione Cl. SHARP (v), qui addit signa, quibus tumor vesiculae felleae, bile expansae, internoscitur a tumore ab abscessu Hepatis producto.

Ex quibus exemplis clare patet hanc operationem institui posse maximo cum successu et absque periculo; requiritur tamen necessario vesiculae adhaerentia, quae certe non frequens est; nam si plerasque ob-

(u) Vol. 14. p. 4. N. 1. §. 339. vid. Comm. ad reb. in med. etc. T. 4. P. 478. (v) Oordeelkundige Aanmerkingen over de Heelkunde, C. 20.

servationes consulimus, patebit parvum tantum esse numerum, ubi de vesicula, peritoneo adhaerente, mentio fit: cum vero observationes existant per fistulas, sive natura, sive arte factas continuo excretos fuisse calculos, uti in femina Gottingensi (*w*), dubium nascitur, utrum claudi vulnus, an vero per aliquot tempus apertum teneri debeat; ut, si calculi generentur, vel si dispositio illa non evinci posset, calculis liber exitus concedatur.

Hisce absolutis, legibus Academicis satisfecisse mihi videor, plura adhuc restare, quae ulteriorem requirunt indagationem, lubenter fateor: si ergo L. B. quaedam minus recte posita, neque satis elaborata sint, consideres quaeso, me hancce materiam pro viribus meis juvenilibus exarasse, sin autem quaedam arrideant, laetabor.

(*w*). Vid. Halleri Op. Pathol. obs. 38. hist. 8.

E R R A T A.

Pag. 1. in not. Med. Rat. Systh. etc. leg Opusc. Path. Pract. p. 139.
 40. Dyspnaea. leg. dyspnoea.



T H E S E S.

I.

Plurimorum calculorum origo absque crystallisatione haud explicari potest.

II.

Emetica in morbis acutis plerumque plus nocent, quam prosunt.

III.

Mortui foetus pulmones aquae injecti si fundum petunt, non respirasse foetum praebent indicium; aquae vero innatantes infallibile signum, vivum in lucem editum fuisse foetum, haud sistunt.

IV.

Licet partes ad experimenta nullum irritabilitatis aut sensilitatis signum praestiterint, inde concludi haud potest, illas omni vi movente aut sentiente destitui.

V.

Martialia intus assumpta intrare sanguinem minime dubito.

VI.

Venas vi contractili gaudere statuo.

VII.

Hinc in venis inflammatio locum habere potest.

VIII.

Imaginationem matris conferre ad morbos organicos foetui inferendos haud probabile est.

IX.

Medicinae praxis absque anatomae cognitione empirica dici meretur.

X.

Quamdiu talia specifica, quae contagium variolosum suppressere atque eradicare possunt, non dantur, insitio justis sub conditionibus licita, imo suadenda est.